

S P O N G I A
Q V A
A B S T E R G V N T V R
C O N V I T I A E T
M A L E D I C T A
E Q V I T I S P O L O N I
C O N T R A
I E S V I T A S.



*Inscriptus Catalogo Congreg.
Cracovien. B.M.V. Apud
1656.*

Anagramma Authoris.

Sanis recta salus.

C R A C O V I Æ
Typis Andreæ Petricouij. Anno Do-
mini, M. D. X C.

SPONGIA

AVA

ABSTERGENTIA

CONVULSIA ET

MALEDICTA

EVULSIO POLONI

CONTEA

DESVITAS

Cim. Qu. 5023



Angustissima Angustissima

Stans res illius

COACOVIE

Typis Angustissima Angustissima

Angustissima Angustissima

Bibl. Jacq.

S P O N G I A;

Q V A

ABSTERGVNTVR CONVITIA;
ET MALEDICTA,
EQVITIS POLONI
CONTRA IESVITAS.



THEVS SIS, AN IVDAEVS, HAE-
reticus, an Schismaticus, ater an albus, Je-
sumastyx procacissime, ignoro: Catho-
licum esse non credo: Christianum vix pu-
to; Iuuenem, quem simulas, eumq; leuissimum, nuga-
cissimum, maledicentissimum, ventosissimum concedo.
& hoc ipso nomine non verborum; sed virgarum flagel-
lis dignissimum statuo. ita nil maturum, nil meditantur,
nil sobrium, nil ingenuo dignum, nil veritati consen-
taneum; sed omnia singulari stultitia, & inhumanitate
oblita, conuiijs & maledictis farta; nec solum vestigia;
sed ipsa falsitatis, rebellionis & seditionis cubilia, in ea;
quam contra Iesuitas suscepisti actione perspicio. In
qua si quam voluptatem maledicendo concepisti; dabo
operam vt verum audiendo amittas. Sed tuam, o pa-
tria charissima, miserrimam faciem prius deplorabo, in
qua *CHRISTI* iste nescio quis perduellis, audacia pro
sapientia armatus, libertateq; tua & indulgentia abusus;
iuuenilem suam ferociam, videri vult consilium, & tan-
quam e caelo delapsus, in subsellia Senatorum inuolat:
consulendi decernendiq; partes vsurpat: manum ama-
torij leuitatibus fœdatam, ad Reipub: moderationem
admouet: & qui tacere nunquam adhuc didicit, loqui in
conspectu Magnatum, legesq; Draconicas, libertari no-
stræ repu-

istræ repugnantes figere, tanquam in Megeræ pixide calamum intingens, non erubescit. Homo; quem ob ætatis imbecillitatem, censoriam istam virgulam, eorum quos docendos & monendos suscepit, intelligentissimorum virorum autoritati submittere, & in Academico adhuc puluere, aut in Grammaticorum scholis, sub magistri ferula sedere, latereq; oportebat. Quam adolescentis audaciam cum plenâ fraudis, plenam periculi, summa cum patriæ turpitudine coniunctam, & omnium in vtrâq; Reipub: sententijs damnatam atq; reprobata ostendero; vim ingentem mendaciorum, quæ iste ad insaniam effudit, calumniarumq; acerbicatem, quibus actionem suam infarsit, breuissima oratione refutabo. Non tamen agam summo iure, nec omnibus vestigijs, omnes calumnias persequar: eligam ea quæ maxime excellunt, & in quibus videre possitis omnes istius inesse culpas maximas, Hæresis, perfidiæ, dementia, contumeliæ, seditionis, rebellionis, summi in Deum, in Reges, & in omnes bonos contemptus. Nam si adolescentem vobis denudarem à pectore, cicatrices proculdubio aspiceretis non ab hostibus Reipub: sed in mulierum contubernijs susceptas; nec esset quisquam in patria, qui illum mori satis esse putaret. Illud autem inprimis mirari satis nequeo, quòd Actorem hunc, istæ Musæ, quarum amator videri vult, nec intelligentiorem, nec mansuetiorem reddiderunt. Nam si se hominem esse meminisset, rationem bono sibi consilio à Deo immortalis datam, in fraudem bonorum non conuerteret: vicissim autem nisi se iuuenem oblitus esset, tacendi; non loquendi, discendi; non docendi, obtemperandi; non imperandi partes vsurparet: & vestram præterea sapientissimi Senatores autoritatem & prudentiam non contemneret; nisi veterem illam dignitatem & seueritatem vos amisisse putaret. quod certè putat, cum in omnia omnium vestrum, munera & officia furenter & licentiosè

licentiosè inuolat: regendæ Reipub. artificium sibi arrogat, se vnum in illius videndis vulneribus lynceum, reliquos omnes talpas putat: quasi hoc esset proprium Equitis Poloni officium (huius enim vocabuli splendore aures vestras reddere sitientes desiderat) rerum omnium ordinem sursum deorsum agere, flammam vndis miscere, imma summis paria facere. cum tamen scientis sit (ait Plato) non diuitis, de quacunq; re bene consulere. Nam vt Æmon ille huic nostro dissimillimus adolescens in Antigone loquitur.

*Quicunq; se solos sapere, linguæq; vi
vel pectoris pollere, quam alij non habent,
Existimant, isti recte sepius
comperti inanes sunt.*

Equidem apparet Tyronem istum nunquam illud Ecclesiastici sapientis præceptum auribus vsurpasse: In medio Magnatum non præsumas: & vbi sunt senes non multum loquaris. Nec illud; Adolescens, loquere in tua causa vix: si bis interrogatus fueris, habeat caput responsum tuum. in multis esto quasi inscius, & quasi tacens simul & quærens. Nec illud etiam; Cum Roboam reprobo senum consilio, iuuenum sententiam secutus Regnum Israelis amisit.

Illud stupeo, quod ne in Cicerone quidem legerit; Adolescentiæ ineunti, maximam inesse imbecillitatem consilii. Multa (ait ille) in nostro collegio præclara sunt, sed hoc inprimis, quod vt quisq; ætate antecellit, ita sententiæ principatum tenet. Quodq; illud in Diuino Platone non obseruauerit; Tacere debent coram senibus iuniores, cedere illis locum atq; assurgere, & vt parentes colere. O fili (ait Ætheniensis ad Cliniam) iuuenis adhuc es, nec dubito quin progressio temporis faciat, vt de multis aliter, quam nunc sentias: expecta igitur oro, vt tunc de rebus maximis iudices. Homerus quoque;

Αἰεὶ δ' ὁπλοτέρων ἀνδρῶν φρένες ἡρεῖσθονταί·

Οἷς δ' ὁ γέρον μετέστην, ἅμα πρόσσω καὶ ὀπίσσω
λευσσεῖ, ὅπως ὄχ' ἄριστα μετ' ἀμφοτέροισι γενήται.

Id est. *Semper vero iuniorum virorum mentes pendunt
quibus vcrò senex interfuerit simul præsentè & future
Prospicit, vt valde optimè cum vtriusq; agatur.*

Sed apparet profectò Actorem istum nullas istiusmodi
sobrias cogitationes habuisse cùm scriberet. Verisimilius
est ea, quæ sunt iuuenum, mente & animo pertractasse;
quo vestis genere, quo calcei colore, qua forma pilei, ad
conuiuia accedendum: quis tonsuræ modus seruandus,
& quemadmodum in muliebri confessu, coronam vnā
in capite, alteram in collo, reticulumq; ad nares sibi ap-
poneret plenum rosæ. Sed verba mittamus ignem quæ
habeant.

Posteaquàm ergò visum est hominì ventosa sua lo-
quentia præfidenti de eodem, quod aiunt, oleo & opera;
& Pontificis Romani auctoritatem contumeliæ aculeis
pungere: & Regum christianorum maiestatem carpere:
& regni Senatores cæcos & mutos facere, & Dei seruos
lacerare: rebusq; clarissimis tetras tenebras obducere;
(videte quæso Senatores quàm multa sunt in vno istius
calamo vulnera) **CHRISTI** nos vicissim cogit charitas,
vt veritatis propugnatione suscepta, Pontificem contu-
melia, Reges inuidia, Senatores iniuria, Dei seruos calu-
mnia liberemus; rebusq; omnibus lucem afferamus. Non
quòd existimemus, tutiorem vitam nostro præfidio vi-
cturos in patria Iesuitas. Quid enim ab adolescentis gar-
rulitate periculi? Sed vt exemplum sequamur humanita-
tis & officij: vt contagionem istius impudentiæ imitandæ
præcludamus: vt ne labor quoq; noster iis defuisse viris
videatur; quorum labore fit, vt religio christiana minus
in patria nostra quàm ante laboret. Nusquam est tutius
calamum stringere, nusquam irasci & excandescere, nus-
quam etiam errare tolerabilius, quàm cùm in amore ni-
mie

mio (vt loquitur Augustinus) veritatis, & in reiectione
nimia falsitatis excandescimus. Qui enim non satiatur
amore erga IESUM (ait Chrysostomus) hic nec vnquam
satiabitur pugna aduersus eos suscepta, Iesum qui ode-
runt. Gregorius verò Nazianzenus; Nequaquam, ait, eum
feruorem damnare debemus, absq; quo nihil fieri præ-
clarè, siue pietatem, siue virtutes cæteras spectes, potest.
Et Basilius; In aliis modesti sumus, inquit, & omnibus
reliquis humiliores; vbi verò Dei negotium periclitatur,
cunctis aliis contemptis ad Deum solum respicimus. ita
vt gladij, bestia, ungues carnem dissecantes potius deliciae
nobis sint, quàm tormenta. Te igitur appello, fili
tenebrarum. Ais. omnibus quidem charissimam esse patriam, illos
tamen propter iniquitatem temporum, in hanc causam multis odiosam non
audere descendere, ne illorum oratio multorum varias voces ad inuidiam
& odium excitaret. Ego verò patriæ charissimæ etiam atq;
etiam gratulor, neminem in ea inuentū esse præter vnum
te, ita impudentem, qui niuem auderet atram dicere, aut
arma nefaria pro falsitatis propugnatione, contra vim
veritatis assumere. Suadeo tibi vt circumspectas, quàm
recto cōsilio sapientissimis Regni Senatoribus maculam
hanc aspergis: aut quo tuo commodo reliquorū ciuium
præstantiam laceras; cū ira cæcos omnes putas, vt
præsentem patriæ pestem non videant: ita verò mutos &
inuidiæ metu consternatos; vt ad æquissimæ causæ pro-
pugnationem descendere, proq; ciuium capite verba fa-
cere nemo audeat. Quam tuam audaciam, quibus legum
vinculis, vtrum eculeo, an exilio refrenare volet, Amplif-
simus Senatus, ipse viderit; nos tibi vitam non inuide-
mus: mentem optamus meliorem; non enim hominem,
sed hominis errorem odisse didicimus, & quò magis ama-
mus hominem; hoc magis perire cupimus errorem. At
vide quàm tui oblitus es. Animi tui angustia, ne pero-
rantium quidem consuetudinem, aut Rhetoricarum præ-
ceptionum ordinem capiunt. Quorum enim tibi benig-
lentiam

lentiam conciliare debebas initio, eos in ipso actionis tue vestibulo, pungis illico, & omnium intemperantissimè in Auditores tuos, grauitate (vt ais) doctrina, & rerum gestarum gloria præstantes iuuenilis amentia tua crapulam exhalas; cum ereptam illis affirmas hominum potentia, iniquitate, crudelitate, non solùm dicendi facultatem, sed etiam sentiendi libertatem. Absit huic tuo verbo veritas: auertat à patriæ capite infaustum omen hoc Deus: Non cadat in Nobilissimos animos ista obiectio. An tu Equites omnes mortuos putas? Id enim est Equiti Polono liberum esse quod viuere: & viuere quod liberum esse. Rumparis necesse est *μισοφιλέ*. Equitem Polonum in Regno, nisi vel liberum, vel mortuum non videbis. ita, vt nō ob aliud affirmare te voluisse putemus, ereptam Polonis, nescio quorum hominum potentia sentiendi libertatem; quàm vt isto quoq; loco notas maximas, immò sedem, immò cubilia mendaciorum tuorum videamus. Sed, in rebus notissimis non moremur. Illud tibi non possum non gratulari, quod perorante te non acciderit quod olim Sextilio Enæ Poetæ pingue quiddam & peregrinum in suo carmine more Cordubensi sonanti. Is proscriptionem Ciceronis in domo Messalæ Coruini recitaturus, Pollionem Asinium aduocauit, ac ita cæpit;

Descendus cicero est, Latineq; silentia lingue.

Id vero audiens Pollio, vir disertissimus, iniquo prorsus animo tulit, Latinam linguam ex vrbe Roma cum Cicerone in exilium actam audire. Confurrexit itaq; & è media concione abiit dicens. Ego istum auditurus non sum, cui mutus videor. Sic tu magnam profecto debes gratiam auditoribus tuis, quòd quos in Repub: tanquàm cæcos & mutos accusasti, te audire garrientem perrexerint, surdos propterea fortasse non dixisti, ne insanus haberere, si surdis de Repub: loqui perrexisses.

Quod Rcipub. vulnera memoras; Veterem comitiorū consuetudinem abrogatam, nouam introductam, pristinum Electionis morem mutatum, barbaros

*barbaros milites, exercitus numerosos, rapinas, caedes, incendia, pericula,
minas, clamores, contumelias, lachrimas, depopulatos agros, nobiles eiectiones,
Virgines abreptas, Cracoviã obsidione pressam, caede & incendiis vastatam.*

Vtinam in istiusmodi tempora patria charissima nunquam incidisset: sed istius cladis origo, nota apud omnes & peruulgata est. Nos non bellorum & seditionum, sed veritatis defensionem suscepimus. Optima (ait ille) civilis belli defensio, obliuio est. Si ab illis quoque consiliis, tui similes iuuenes abfuissent, quos & tu nosti & ego praeterco; non tantis tempestatibus pulsata Rempub: vidissemus. Sed abiit huius tempus querelæ. Caput actionis & accusationis tuæ videamus. Ais: *Ego Romane Ecclesie propemodum alumnus dico hanc unam monachorum familiam, quæ à IESU saluatore nomen habet, ad perniciem multarum Rerumpub: esse institutam.*

Si dixisse vicisse est, herbam ut victori porrigo. At quæ abs te facile dicitur, tam à me facile negatur. Crimen audio sine teste, sententiam sine consilio, damnationem sine defensione. Tu quidem quod dicis Aiace clypeum, ego Iouis sandalium puto: teque illi ipsi Aiace flagellifero per omnia similem statuo, qui cum Vlysse de Achillis armis in Græcorum iudicio contendebat: à quibus cum esset abiudicatus, præ iracundiæ impetu in furem actus, gregem pecorum inuasit, existimans se Græcos omnes trucidare. Arietem autem qui cæteris eximia magnitudine eminebat, cum Vlysses putasset, ligatum flagellauit. Ita tu de statu mentis ob odium veritatis deturbatus, cum cupias Catholicos omnes unam ceruicem habere quam præcideres, Iesuitas potissimum quasi coniuratos Euangelicorum hostes, verborum flagellis emendare decreuisti. Quid si verò ego, huic tuo clypeo clypeum, umbonem umboni, hastam hastæ, galeam galeæ, viro virum opposuero: tibi profectò probandi partes incumbent.

Dico itaque: Ego Romanæ Ecclesiæ non propemodum ut tu (vox hæc non nisi Euangelicorum est) sed per omnem modum, ut in sunt qui se Christianos esse meminerunt,

B

alumnus:

alumnus: dico hanc vnam familiam, quæ à Ies^u saluato-
re nomen accepit, ad salutem Christianæ Reipub: esse
institutam. Tibi certè Ecclesiæ Romanæ propemodum
alumno, propemodum, mihi verò per omnem modum
alumno, per omnem modum erit fides adhibenda. Nonne
rectè dixi initio, quòd te Christianum non puto. An licet
quenquam hominem lynceum vocare, qui propemodum
cæcus est? An esse sanus quisquam potest, qui propemo-
dum mortuus est? An sapientem vocabis, qui propemodū
insanus est? Si propemodum Ecclesiæ alumnus es, alu-
mnus non es. Si propemodum vir bonus es, vir bonus
non es. Profectò scitum est vetus illud verbum: Facilius
esse decem Elephantes sub vna veste, quàm vnum Cyne-
dum occultare. Tu, quod impij faciunt, in circuitu ambu-
las. Et ipsa veritas, quæ nihil timet, nisi taceri, per tuum
iugulum, inuito te, erumpit. Tertullianus certè Hæreti-
cos omnes infideles appellare non dubitat: propterea
quòd adhuc de fide disputant. Qui enim disputat, ait il-
le, nondum credit: qui nondum credit, nondum Chri-
stianus est. Quid diceret, si te propemodum alumnū
Ecclesiæ audiret? Profectò paganum propemodum &
infidelem statueret. Sed hæc mittamus. Nil mirum est
consilium intelligendi adolescenti loquaculo, isto quoq;
loco defuisse. Verùm tu causas & rationes moliris, cur
ita de hominibus istis sentias: quas equidem rectè putas,
per arduum tibi fore demonstrare. Audiamus. Ais Iesui-
tas à vestris Theologis pestem esse pronunciatos, cum in primario templo
Lublinensi, tum in summo templo Cracouiensi.

Si vestros Theologos illos animarum piratas intelli-
gis, quos verbi vocatis Ministros; falsum est peites illas
in summis vtriusq; vrbis templis verba ad populum pro
concione habuisse. Christus enim in illis templis ex Ma-
ria virgine in Bethleem natus, nō Antichristus Islebiensis
Luterus, ex tetra incubo satus, non Calvinus stygmati-
cus, non Beza Sodomiticus, non Volanus, non Grego-
rius, non

rius, non Biesaga, non Paklepka, non Vardega hæreticus colitur. *CHRISTI* Dei viuentis, non Ochini aut Blandrata verbum è superiore loco annunciat. Si cum sis angelus Sathanæ, transfiguras te in Angelum lucis, & vestros Theologos intelligi vis Ecclesiæ Catholicæ Romanæ doctores & concionatores; ne sic quidem vicisti, Meminisse te oportet, inter duodecim Apostolos ludam, inter septem Diaconos Nicolaum extitisse; inter decem à lepra mundatos, vnum solum regressum debitas Deo gratias pro reddita sanitate reddidisse. Fungos aliquos esse oportuit (si modo verum est quod ais) aut intelligentium virorum carcinomata, (non enim quenquam nominas) qui non ponere, sed proijcere verba didicerunt, nec esse nefas putant resorbere quod vomuerunt. Iniuriam infert cæteris, qui vnus in omnibus sententiam sequitur. Lippis quoq; oculis, lumen solis molestum est; & omnis ægrotanti amara est medicina; idq; etiam te ipsum animaduertisse argumento est. Paulò post enim ad summorum virorum auctoritatem recurris: vt velut hædera suspensa, sententiam tuam facias vendibiliorem. Illius fortasse memor, quod Hecuba ad Vlissem apud Euripidem:

λόγος γὰρ ἐν ἀδοξόντων ἰών
κ' ἐν τῶν δοξόντων αὐτὸς οὐ ταυτὸν στένει.

*Nam ab inæstimatis proficiens oratio,
Et ab æstimatis haud quaquam tantundem valet.*

Ego verò fatebor quod res est. Video isto loco intelligendi consilium tibi non defuisse. summos enim patriæ nostræ Heroas memoras, qui totas ætates in Reipub: negotiis contriuerunt: qui si à partibus tuis starent, ex stulto insanum te facerent præ gaudio. At ingenij tui imbecillitas altitudinem consilij non capit, quo isti abundant. Sic enim in patria nostra in omni laudis genere vixerunt, sic clauum Reipub: moderati sunt, sic omnia consilia ad salutem patriæ explicata semper habuerunt; vt nefas sit existimare, quam tu patriæ pestem putas, eam ipsos fuisse

in patriæ visceribus tolleratu-
ros, pestem si putassent.
Lynceis sunt oculis, longissimè omnia prospiciunt: e-
munctas nares habent, facillimè omnia odorantur: pa-
triam verò sic amant, ut præ illius salute omnia quæ sol
iste aspicit, inferiora ducant. Isti pestem non vident?
isti pestem non intelligerent? isti pestem non auerterent?
Nimis iniquus es in tam laudatos viros, mastigia: si tam
acres & generosos animos hominū iniquitate cogi posse
existimas, ut ardenti patriæ flammis iniectas negent.

Tria sunt, ait Nazianzenus, quibus instructum esse
consiliarium bonum oportet: rerum experientia, amore
publici boni, & oris libertate. Tu si quidquā eorum tan-
tis viris adimis, Senatores eos Regniq; consiliarios ne-
ges necesse est: quo tuo bono, dies te docebit. Si illum
ipsum quem nominas Zamoiscium, exercitus Ducem, ali-
quando legisses, (cæteros dignitatis & honorum gradus
prætereo, virtutes enim Zamoiscij magis suspiciendæ
sunt quàm honores) illum esse verum Senatorem, in eius
de Senatu libello didicisses; qui ita semper vixerit, ut
omnia consilia, atq; facta ad solam honestatem referat:
non sibi, sed patriæ se natum putet: nec vlla in potestate,
avaritiæ prædam aut libidinum fructus, sed instrumenta
adiumentaq; moris maiorum, disciplinæ, ac æquitatis tu-
endæ & conseruandæ, quærenda arbitretur: nullasq; sol-
licitudines, nullos labores iuuandę patriæ causa recuset:
nulla cupiditate, nullis voluptatum illecebris, nulla com-
modorum spe, nullo periculorum metu, animum suum,
non modo flecti, sed ne tentari quidem patiatur. Ita pro-
fectò res habet. Senator ardens amore patriæ, non quid
passurus, sed quid acturus sit, aspicit. Mori potest; de
studio & consilio iuuandi, potentia vlla, iniquitate, cru-
delitate deduci non potest; vultu, fronte, oculis, voce,
manu, consilio, re, prodesse Reipub. non desinet: si quid
obstiterit, remouebit: si quis fauces oppresserit, etiam ta-
cendo iuuabit. Fingas quæ voles, mendaciorum archi-
teſte, sapi-

recte, sapientissimi Senatoris Miscouij Episcopi Craco-
uiensis verba; dabis Illustrissimò Præsuli, huius quoq;
calumniæ rationem, res enim longe aliter habet quàm
narras. Accipe, quod si negare voles, non video cur te
hominem putem. Miscouius Noscouio in Episcopatu
Plocensi prius accessit, postea successit. Collegij Pul-
touiensis fundamenta iacta inuenit, auxit, fouit, locu-
pletauit, promouit: paterno semper animo, vultu, fron-
te, oculis, omni hilaritate Iesuitas omnes complexus est:
& vniuersum Collegij studijq; Pultouiensis progressum
Iesuitarumq; operas non solum non impediuit, sed etiam
promouit. Ad Cracouiensem verò translatus, Episcopa-
li sua auctoritate, & templum S. Barbaræ, & Ecclesiam S.
Stephani, Parochialem vocant, eisdem attribuit. An vt in
eis Ecclesiæ Romanæ dogmata euertant? An vt seditionū
incendia excitent? An vt omnium in Repub: mores bo-
nos, & omnium comprobatione institutos pessudent?
Hoc tu si putas, idem est ac si putares Miscouium nec
Episcopum esse, nec bonum patriæ suæ ciuem. Non ver-
borum, ô iuuenis vlmeæ, sed virgarum flagellis tibi ista
erunt expianda. Zamoiscium verò Cancellarium Ducēq;
fortissimum, optimum, vt Isocratis verbis vtamur, Regis
ac Regni thesaurum, quod tecum sentire fingis, toro, quod
aiunt, cœlo erras. Non dissentit ille, sed consentit cum
Iesuitis. Ea quippe illis ministeria in templis cæterisq;
Ecclesiasticis officiis & muneribus concedit, quæ ipsi
sponte sua, in se, pro gloria Saluatoris susceperunt. Hoc
nullo pacto ferri oportere iudicat, quod & ipsi fugiunt,
& quantum in ipsis est derectant, vt scilicet ad Reipub:
negotia se ingerant. Ac ne sis nesciens, narro tibi, ô Iesu-
mastyx, quod mihi credas velim; Mortis instar Christi
seruis accidere consueuisse, quoties à sermone Dei (siue
enim orant Deo loquuntur, siue legunt Deus illis loqui-
tur) ad consuetudinem seculi pertrahuntur. Sape acci-
disse audiuius, vt nonnulli Germaniæ, Galliæ, Poloniæ

quoque nostræ Principes, datis ad Generales Iesuitarum
Præpositos litteris, diligētissimè postulant; ut aliquot
è Societate & è suis contuberniis, in eorum aulis viuere
paterentur: ad quorum aspectum & correctionem aula-
rum asseclæ erubescerent, atque ad officium reuocarentur.
Scio quoque sapissimè negasse Præpositos quod peteba-
tur: cauentes ne socij quæ semel repudiarunt, seculari-
bus sese vicissim negotiis admiscerent. Principes au-
tem ad ipsum Romanum Pontificem Præpositorum
Præpositum, litteras dedisse; rogantes, ut autoritate sua
generali præciperet, quod ita valdè postulabant. Scio
hos ipsos Generales in genua prouolutos supplicasse vi-
cissim Pontifici, ut ne rem inuidiæ periculiq; plenam præ-
ciperet, nec ullos extra Societatem & contubernia viuere
socios pateretur: Sed repulsam esse passos: seriâq; man-
data accepisse, ut Principum petitioni gratificarentur.
Hæc tu vera esse credas oportet. Non enim isto loco Al-
cinoi Apologum, aut Asini mortes recitare decreuimus.
Edam & Principum nomina: teq; rerum testimoniis, eti-
amsi relucteris, opprimam. Talis fuit in Germania supe-
riore Archiepiscopus Moguntinus & Treuerensis, S. Ro-
mani imperij electores: Talis Episcopus Bambergensis,
Basilienfis, Herbipolensis, Pasauienfis, Archiepiscopus
Salsburgensis, Abbas Fuldenfis. Tales Serenissimi Ar-
chiduces Austriæ: Tales serenissimi Bauariæ Duces Al-
bertus & Vilhelmus: Talis fuit in Germania inferiore
Princeps Illustrissimus Ioannes ab Austria; & qui illi in
gubernandi munere successit Fernesius Dux Parmensis.
Talis fuit in Gallia Dux & Cardinalis Lotaringiæ: Ta-
les in Hispania & Lusitania omnes ferè Principes & Epi-
scopi. Stephanus porro Rex Poloniæ Serenissimus, de
cuius laudibus nulla vnquam ætas conticescet, nonne ex
intima Italia virum doctissimum, Toletum, Belarminum,
Gregorium de Valentia, euocare, ad aulam suam cona-
tus est? Nonne qui felicissimè regnat Sigismundus ter-
tius, accer-

clus, accessito in arcem Cracouiensem viro venerabiliss
Ioanne Paulo Campano Proninciali, diligentissimè po-
stulauit, vt ad aulę suę comitatum, Petrum Scargam ver-
bo & opere potentem adiungeret? Non commemorabo
Principes Illustrissimos Radziuilos, qui in aulis suis præ-
cipua quædam ornamenta desiderari interpretantur, si
nullos in comitatu suo habeant Iesuitas: Viuunt itaq; in
aulis Iesuitar, sed coacti: loquuntur de Repub. sed inter-
rogati. Iste inquam ipse, quem nobis opponis, sapientis-
simus Regni Cancellarius, tum à Nuncio Apostolico, tum
à Prouinciali Regni Poloniae semel & iterum postulauit,
vt sibi in intimam Russiam proficiscenti, aliquos è Socie-
tate comites adiungeret, quorum opera tum in refutan-
dis Schismaticis, tum in conuincendis Hæreticis, quo-
ties se daret occasio, vteretur. Sæpè etiam Knissinium,
& in alia loca, priuarę pietatis gratia, euocauit: eorumq;
potissimum opera in reuocanda ad Ecclesię societatem
Illustrissima coniuge sua Radziuila felicissimè vsus est.
Pestes ergo Zamoiscius in patrię perniciem aluit? pe-
stes ad suam consuetudinem, pestes ad mensam, pestes
ad consilium adhibuit? Non cadit hæc immanitas in He-
roicum illum animum. Facilius quisquis ista tua lege-
rit, te mendacem esse perspiciet, quàm hostem patrię Can-
cellarium. Pico Medico viro doctissimo quæ tribuis,
agnosco. Scio quòd plurimis in patria vitam dedit: tibi
verò si iamdudum Elleborum porrexisset, non tot insani
capitis excrementa in pagellas vomuisses.

*Voces hominum viduarumq; querimonias memoras: easq; arte & inge-
nio Iesuitarum vasis argenteis & omnibus ornamentis aureis spoliatis ais.*

Nos contra asseueramus: Nullius nos vnquam ho-
minis lachrymas & eiulatus audiuisse; nullum vas argen-
teum & aureum in omnibus eorum contuberniis, & cœ-
naculis aspexisse, quod ereptum diceretur. Diligunt illi
quidem cum Propheta decorem domus Domini: idq;
summopere laborant quod Paulus præcipit, vt ea quæ
Dei sunt,

Dei sunt, omni adhibito ordine, summa quæ fieri potest
dignitate & cæremonia Deo reddantur. Inde porro fit,
ut audientium & intuentium animi vehementius exci-
tentur ad cultum Dei, aureis & argenteis ornamentis il-
lustrandum: quæ equidem non dubito, quin vestras Euā-
gelicas cupiditates, illam inquam rapiendi clependiq;
consuetudinem magnopere irritent: cū in templis &
altaribus exposita quandoq; vasa videatis, quæ vestra esse
cuperetis. Mihi profectò contigit adhuc videre neminē,
qui quidpiam apud Iesuitas inuenerit, quod suum dicere
possit. Lepidè quidam de Ministris & Apocscopis Euan-
gelicis dixisse perhibetur: Oculis eorū nil gratius occur-
rit, quàm mulier. Lingua nil loquitur expeditius, quàm
maledicta in Papistas. Aures nil libentius audiunt, quàm
Rape, clepe, harpaga. Nares nil odorantur suauius, quàm
exustorum templorum & monasteriorum nidorem. Ta-
ctus solo tantum sanguine Christianorum delectatur.
Nimis autem in patriam iniquus es iudex, nimis trux in
eos quos appellas Senatores, cū in tanta rapiendi con-
suetudine, tantam in Senatoribus & subfelliis, indulgen-
tiam proferis, & suum cuiq; ius reddi negas. Syluam
tu ut video latrociniis infestam, patriam tuam putas, non
Regnum legibus descriptum; in quo sanè impudentissi-
mè tricaris, quo nomine crede mihi, miniatum suo tem-
pore funiculum non effugies. Tales olim gentilium Phi-
losophos extitisse Eunapius memorat, qui cultoribus
idolorum persuaferant; Christianos in occultis antris, &
intimis montium recessibus, vim ingentem auri & argen-
ti asseruare consueuisse. At posteaquam data esset mili-
tibus omnia scrutandi euertendiq; potestas, pro cellatis
vasis, innumeras sanctissimorum virorū reliquias, quas
idem Eunapius vocat, salita damnatorum capita; pro
veste picta, horrida cilicia, pro cœnaculorum ornāmētis,
sacros libros, pro reliqua suppellectili, nodosos funicu-
los, ferratosq; cingulos inuenerunt. Nil quippe Sancto-
rum con-

rum contubernia præciosius habebant quàm paupertatem, nec in illis quicquam carius videtur quàm ipsi. De Roffensi Episcopo sanctissimo Christi martyre vtrum aliquid vnquam inaudiueris, ignoro. Is cum esset Henrici octavi Angliæ Regis iussu in tetrum carcerem compingendus, Euangelici quidam Equites tui similes, aurea & argentea Episcopi vasa spe deuorauerant. Cum autem in eius conclaue furenter inuasissent ac ferream cistulam reuulsissent, pro nummis aureis cilicinā vestem, valde horridam, & aliquot funiculos nodosos sanguine imbutos, quibus corpus suum castigare consueuerat, inuenerunt. Simile quiddam in exigua Hosii Cardinalis hæreditate repertum fuisse memoratur.

Quod ais : clamantur hæc in templis in conspectu Trinitatis, ante imaginem christi, omnium sanctorum & sanctarum, ad commouendos sanctos & sanctas ab his qui religionibus sanctorum & sanctarum præsumunt.

Flosculi isti, ô elegantissime adolescens, loquendiq; moduli, non nisi Euangelicorum sunt, è loculis communioribus Philippi, aut è Caluini institutiunculis excepti: At olim in Iuliani capite meditati, & in schola Luciani vsurpati, quibus olim, æquè vt nunc vobis Euangelicis, ludus, iocusq; erat, templa Dei vocare lupanaria, Trinitatem cerberum tricipitem, Christi imaginem idolum Moloch, Sanctos & Sanctas opprobrium hominum, eorumq; reliquias Diis inuisas hominibusq;. Quàm egregiè porrò Amasiam idoli Bethel sacerdotem exprimis, qui & ipse Amos Prophetæ, verbum Domini ex ore Domini loquenti, rebellionem obijciebat: cum ipse Deo & mandatis eius apertissimè rebellaret. Sed ô fœlices Iesuitas, quòd à vobis Euangelicis vituperantur, qui nihil vnquam nisi grande aliquod bonum, vituperare consueuistis. Maximum innocentiae argumentum statuo, accusari ab Euangelicis. Non potest pietatis, non potest reus agi religionis, quem condemnat hæreticus.

Quod dolere te simulat plurimas scholas à Iesuitis dissipatas esse, &
Academiam

Academiā Cracouiensem celeberrimā, solitudine fœdam atq; squalidam, quæ litteratorum iuuenum quatuor millia aliquando numerabat, nulla antiqua ornamenta retinere.

Vtinam retineret. Sed quis istam fœdam solitudinem inuexit? Quis squalidam fecit? Quis antiqua ornāmēta eripuit? Id quidem tu improbè dissimulas, sed ego præfultoris munere fungar. Florebat Academia Cracouiensis, quando patria vniuersa Euangelicos tuos ignorabat, quando in sinu & gremio terri Cacodemonis Euangelicorum magistri & ministri latitabant, quādo nulli erant in patria nostra Lutheristæ, Caluinistæ, Anabaptistæ, Budeistæ, Volanistæ, Biesagistæ, sed omnes vno eodemq; nomine & erant & vocabantur Christiani, vel, vt vos vocatis, Papistæ. At posteaquam eiusmodi sectas, in patriæ perniciem cœpistis introducere, secta quoq; ac dissipata est illa quam prædicas Academiæ integritas, sectæ sunt leges, secta sunt iudicia, secta comitia, secta subsellia, omnia in patria secta, dissecta, disiecta, dissipata videmus. Quid enim mali non videmus? Vos cœpistis, vos primi cœpistis, templum contra templum, cathedram contra cathedram, altare contra altare erigere: consequens erat, vt scholæ quoq; contra scholas suscitarentur, & Academiæ Cracouiensis maiestas, & illa quam prædicas frequentia, minueretur. Qui sunt autem, qui scholas contra scholas erexerunt? Vos inquam Euangelici, teterrimi legum & regum euersores. Repete memoria, si quam habes, scholas Euangelicorum, Pinczouiensem, scholam Volensem, scholam Leuartouiensem, scholam Chmielnicensem, Brogensem, scholam Grodziscensem, scholam Posnanieniem, & id genus alias, in quibus aras imbecilla, ad omne audaciæ blasphemiarq; genus instituebatur. Illæ inquam fuerunt, quæ squalidam solitudinem in Academiam Cracouiensem inuexerunt. Nam si quas scholas regendas leuitè susceperunt, pro schola non contra scholam Cracouiensem, instituerunt,

Instituerunt: cū scholā Cracouiensi in cultu veri Dei,
 & in orthodoxa veritatis cōseruatione conueniunt, cum
 schola Cracouiensi præceptores & scriptores Hereticos
 reiiciunt: Philippos, Sturmios, Spangebergios, Erasmos,
 & istiusmodi alios: cum schola Cracouiensi, vitam pro
 religione profundere parati sunt. Vis rerum testimonia
 adiungam? Vestræ scholæ & Synagogæ præceptores,
 vestri patroni & fautores, vestri magistri & ministri, au-
 tores & incentores fuerunt, vt schola Cracouiensis dissi-
 paretur. Quid insignes pleræq; Regni familiæ Euange-
 lico seu Lutherano spiritū de statu mentis motæ (è qui-
 bus hodie tanquam è spinis rosas processisse videmus &
 gaudemus) contra Cracouiē Academiā egerint, obscu-
 rum non est. Vos acerbas & capitales sententias, sæpè in
 particularibus, quandoq; in generalibus Regni comi-
 tiis, in homines innocentissimos Academiæ Cracouiē-
 sis Professores pronuntiastis. Vos è priuatis oppidorum
 scholis Magistros & Baccalaureos Cracouienses extur-
 bastis: & in eorum locum externos homines, terræ filios
 ex Italia profugos, Geneuæ, Basileæ, Tiguri ob vim fla-
 gitiorum virgis cæsos, naribus auribusq; truncatos, sce-
 lerum stygmata manu carnificis impressa circumferren-
 tes, substituitis. Vos Artium & Philosophiæ Magistrum
 Volscium, nobilissimum scholæ Cracouiensis membrum
 indignissimè & iniustissimè enecastis. Vos exulem Stan-
 carum in scholam Pinczouiensem recepistis: vos in ci-
 uium locum externos homines nescio quos Synagoni-
 stas, Theodori Beza symmistas recepistis: vos illum mi-
 nistrum ob adulterium, quod in despectum Papæ (sic
 enim facinus excusabat) commiserat, auricula mutila-
 tum, vt angelum è cœlis delapsū, in vestrum comita-
 tum recepistis, eiq; liberos vestros erudiendos tradidi-
 stis. Vos igitur estis, & vestri Euangelici magistri, & mi-
 nistri, qui Academiæ Cracouiensis solitudinem attuli-
 stis: & eam, quam deploras, illius faciem reddidistis, nec
 adhuc

adhuc vnquam legibus illius, & institutis, interitum
machinari destituitis: quod tu aut concede, aut abi, &
ad Antyciras nauiga.

*Quod ais habuisse Poloniam nostram ante istos resuiticos monachos,
viros eruditissimos, oratores reuerentissimos, Philosophos acutissimos,
Iureconsultos prudentissimos, Theologos omni dicendi grauitate, copia
atq; ornatu instructissimos.*

Verè ais: sed addere debuisti, quòd ne nunc quidem
habere desuit, & habebit per Dei gratiam plures etiam:
nisi vos cursum bonarum literarum totiusq; pietatis
progreSSIONem retardaueritis, aut Regnum, quod absit,
vniuersum seditiosissimis consiliis ad extrema pericula
adduxeritis. Non omnia, ait Tacitus, apud priores me-
liora, sed nostra quoq; ætas multa laudis, & artium imi-
tanda posteris tulit. Quædam, ait Seneca, initium ab
aliis trahunt, & tamen initiis suis maiora sunt. Princi-
pia enim sua semper sequens magnitudo obruit.

De Luca & Leopolda Concionatoribus tu fortasse
auditione accepisti: ego sæpe vtrunq; pro concione dis-
ferentem audiui: & vtriusq; consuetudine sum olim vsus
familiarissimè: quorum sermone si dignus esses, repræ-
henderent te proculdubio ex ipsis beatorū sedibus, quòd
cum illis omnes in patria concionatores mortuos putas.

De Hosio verò nunquam satis laudato Cardinali,
quem rectè quispiam ob doctrinæ sublimitatem, vt Areo-
pagitam Chrysostomus *πεταρόν τῷ ὄρει*, id est volucrem
cæli dixerit, deq; Cromero eius successore videri tu quidē
vis, quasi eos summo loco habeas. Sed si magnus apud
te esset Hosius, non magnus apud te esset Fricius. Si Ho-
sium Ecclesiæ Romanæ lumen verè putares: Fricium
Anathema, Maranatha iudicares. Non me tenebo, quin
tibi Hosiani nominis amplitudinem explicem, quid de eo
viro Itali, Galli, Germani, Hispani, Angli, Hungari, Sco-
ti, Lusitani, Hiberni; quid in Asia, quid in Africa, quid
in ipsa

in ipsa quoq; patria nostra, clarissimi & sapientissimi vi-
ri, quibus matellam porrigere dignus non es, senserunt,
atq; ad vniuersæ posteritatis memoriam scriptum reli-
querunt, vt si talem voles credere, qualem isti faciunt, in
illius quoq; de Iesuitis iudicio, quod cōmemorabo, acqui-
escas. Alij columnam Ecclesiæ vocant, alij ornamentum
Collegij Cardinalium, alij splendorem curiæ Roma-
næ, alij Phœnicem Cardinalium, alij Polonicum Patriar-
cham, alij senem verè Abrahamicum, alij malleum hære-
ticorum, alij nostri temporis Augustinum, alij alterum
Poloniæ Stanislauum, nouum Bessarionem, Melchisede-
chicum sacerdotem, nunquam satis laudatum Ecclesiæ
defensorem, rectæ fidei custodem vigilantissimum, orbis
miraculum, patrem patratum, Romani Senatus orna-
mentum, Apostolicæ sedis propugnaculum, Christi for-
tissimum Athletam, formidabilem hæreticorum aduer-
sarium, senem suauiloquentem, alterum Numam, mi-
cans Latij lumen; alij sinceræ pietatis magistrum, Dei
interpretem, alteram Pauli manum, alij aliis laudibus
celebrant, & vsq; ad sydera tollunt: idq; te scire volui, ne
tam deinceps, vt nunc fecisti, ieiunè tam commemorabi-
lis viri nomen vsurpes; de quo tu quidem vereris, ne ex
commemoratione illarum virtutum & eruditionis re-
crudescant vulnera, ex istorum hominū morte accepta.
Ego verò etsi Hosium immortalem, si fieri potuisset, esse
voluisssem, sit tamen nescio quo modo, vt illi vitam ere-
ptam minus doleam, ne Volanum, ne Czechouicium, ne
Budneum, ne cæteras quisquillas, ne te, ne tui similes ali-
os, in Senatu & ad Senatum de Repub. loquentes & gar-
rientes audiat. Mortem ille quidem timuit nunquam,
sed optasset etiam, si te tuiq; similes, clauum Reipub.
maderaturos cognouisset.

*Producis etiam Bembum, Sadoletum, Contàrenum Polum, viros omni
exceptione maiores. & infers: Quid horum simile habent Iesuite?*

Non es versatus in libris Theologicis, calumniator.

Fuit magnus Bembus, sed nec paruus Canisius: fuit elegans Sadoletus, sed nec infans Maphæus: fuit zelantissimus Contarenus, sed nec Gregorius de Valentia tepidus est. Fuit Polus eloquens, sed nec Perpinianus mutus est. Quo loco Turrianum, quo Toletum, quo Belarminum habeas, ignoro: sed citius tu, orbis Christiani iudicio, & infans haberis & improbus, quàm isti nō magni.

Ais lucubrationes eorum ita refutatas ab hæreticis, & ita profligatas, ut luculentam quoque plagam tota Ecclesia nostra Romana acceperit.

Ita profligatas & ita refutatas? Pudet me victoriæ vestræ, Evangelici: sic profligastis Iesuitas, ut reuerti in certamen possint: sic refutastis, ut tacere non possint. Velim impudentiæ tuæ, pudentiorem exitum quæsiuisses. Omnis quidem arrogantia odiosa est: sed illa de multarum rerum cognitione multò molestissima. Languens es ineptissime Iesumastrix circa quæstiones verborum, & nihil sciens. Ecclesia Romana luculentam plagam à Iesuitis accepit? Hic ego te profectò mentitum dicerem, nisi vererer ne putares (ita enim stupidus es) me dicere te mente tota constare. Id quidem verum esse vellent Evangelici, ut Romanam Ecclesiam oppugnarent Iesuitæ: sed interim ipsi eorum magistri & ministri, editis in vulgus libellis, & pictis propolitis tabellis, in oculis omnium gentium constentur, nutantem Ecclesiam Romanam, Iesuitarum studio, labore, diligentia, ope omnium rerum sustineri, quas tu profectò oculis ipse tuis vsurpare in Euangelicorum Bibliotecis potuisses, si in lucem aliquando è tenebris & puluere Leuartouienti prodixisses. Sed tu, ut video, non solum es, sed etiam videri vis infans ineptissimus. Videris autem quàm tibi rectè cum Volano tuo Zuingliocaluinista conueniat, illo scilicet in Lituaniam succiplenæ cœnæ structore. Is enim Iesuitas ait, tam obstinatè doctrinam Ecclesiæ Romanæ defendere, ut nullū in ea prorsus, licet corruptissima, nauum agnoscat.

Quod ais: *Ecclesia nostra Romana.* Vereor ne tibi inuito verbum hoc exciderit:

Aur

Aut ars Vulcanum, (ait ille) aut forceps ignara scellit.

Esquum voluit cudere, cudit Esiv.

Sic tu vestra voluisti, nostra Romana dixisti: nisi forte eo sensu voces nostram, quo pedem & nostrum dicimus, & lecti & scamni & carminis, quo canem & venaticum & marinum & sydus appellamus. Sed potesne tu esse Ecclesiae Romanae membrum, qui tantum Haeretico Fricio tribuis, à Romana Ecclesia reprobato, ut hominem bonis stabulandis, stercorandisque agris deditum, propterea quod de Repub: nescio quid garriat, Hosio & Cromero similem facias: qui ex nomine Sanctissimae Trinitatis & à Crucifixi imagine, Sanctorumque & Sanctarum memoriis delirias tibi facis? Potesne tu esse Ecclesiae Romanae filius, qui religiosorum virorum statum, quos vulgo Monachos vocamus, tam vilia mancipia putas, ut Iesuitas, ignominiae causa Monachos voces? Omnium est communis inimicus, qui hostis suorum est. Nemo, crede mihi, sapiens proditori suorum unquam credendum putavit. Eadem itaque fide abs te dictum putabo, id quod fateris, qua illud, quod negas.

Facis disputationis Lublinensis mentionem inter catholicos & Antitrinitarios, & Anabaptistas. Infantem te dixeram, nunc mendacem convinco. Habita est ea disputatio in Ecclesia Lublinensi Societatis Iesu. Progressus in medium Czechouicius, Archiflumen illud Anabaptisticae doctrinae, sesquipedalibus verbis professus est, se non contentionis studio, sed inveniendae veritatis desiderio in arenam descendere. Deumque precari, ut quicumque opprimendae veritatis studio, & cupiditate inflammatus verba mendacii loqueretur, illico potius obmutesceret. Quid autem consecutum est? Audi & iniurato crede, nec quenquam tuis fabulis fallas. Cum multa illa sua Prosopopeia contra Deum, Ecclesiam, contra primatum Romani Pontificis, & Petri claves hinc & inde acta essent, nec acquiescere

veritati

veritati clamorus Czechouicius vellet; ea protinus percussus est maledictione, quam erat comminatus veritatem oppugnantem. Subito enim hominem vox defecit: nec ullum amplius contra Iesuitam potuit verbum fundere: ita ut à suis è media disputatione languens abduceretur. cum interim nil aliud sentiret incommodi, quam vocis defectionem. In eius locum successit Niemoieuius, quem tu ais verbera sensisse: ego nescio, aut, si sensit, scio virum nobilem non libenter pugnos edere, multò minùs Iesuiticos. Faciliùs ego tibi ostendam edisse Perrum Scargam pugnos Evangelicos, cuiusdà Oczucnouij, nec satis hoc. Calumniis etiam appetitum probabo, quasi pro cōcione docuerit, omnes obuios Evangelicos in faciem conspuendos: sed nondum huius venit tempus sermonis.

Quod libellum doctissimi viri Posseuini facem vocas ad excitandum incendium, cumq; ais omisus eruditionis sue armis doctrinaq; instrumentis, ad barbaricam crudelitatem & feritatem decurrere.

Si eam Epistolam intelligis, quam vir ille zelantissimus Serenissimo Regi Stephano aduersus Volanum inscripsit, ubi ait, Hæreticos ab antiquissimis Synodis anathemate plexos, atq; ut putrida membra ab Ecclesiæ corpore reflectos. Non Posseuinum (ô carissime) reprehendas necesse est, sed eos quorum id quod dicit, decretis & autoritate confirmat. Theodosium, Valentinianum, Marrianum, Carolum Magnum, Ludouicum Gallia Regem: sed omnes orthodoxos Reges & Principes. Quid Reges? ipsum vas electionis Paulum, qui iubet eos abscindi, qui fratres conturbant. Quid Paulum, imò Pauli Dominum & Præceptorem Christum, qui ut Ethnicum & publicanum, habendum pronunciat, Ecclesiam qui non audierit. Nollis, fat scio (leges enim ut laqueos oderunt Evangelici) sanctissimi illius Korcinensis Decreti in Generali Parlamento, sub anno Domini 1438. contra Hæreticos promulgati, ullam isto loco fieri mentionem. Sed nec illius constitutionis, quam in oppido Vielunensi

Wladillaus

Wladislaus Iagello promulgauit, cuius verba sic habent. Quicumq; in Regno Poloniae nostro, & terris nobis subiectis, haereticus, aut haeresi infectus, vel suspectus de eadem, fautor eorum vel director repertus fuerit, per nostros Capitaneos, Consules ciuitatum, & alios officiales ac quoslibet subditos nostros, siue in officiis, siue extra viuentes, velut Regiae Maiestatis offensor capiat, & iuxta exigentiam excessus sui puniatur. Haec inquam tu omnia sempiterna sepulta obliuione cuperes, ne te non solum Caesareis; sed Regum quoq; tuorum legibus & decretis reprobaturum damnatumq; audiamus. Sed veritas nil aliud timet quam taceri. Expedit tibi audire, quod auditum non possis damnare. Obstringit sese illo Corczinensi decreto Rex, & ordines omnes Regni, sub fide & honore, quod insurgere vellent contra omnes ad eorum destructionem (haec enim sunt legis verba) quicumq; in Regno errores haereticos, tenere, fouere, promouere, manu tenere vellent. ex cuius tu legis laqueis, nunquam euades profecto, quam diu propemodum eris Ecclesiae Romanae alumnus. nisi forte ita impudens esse perseueres, vt sicut Posseuini libellum, sic hoc ipsum Regis & Regni sapientissimum decretum, facem vocare libeat, ad excitandum incendium. idq; sine dubio verbum vomuisses, si Decreti huius fieri mentionem aliquando audiuisses.

Ais deinde: *quamobrem concilium non conuocatur? cur publica disputatio non instituitur?*

Quod longius progredieris, in plures te laqueos induis, quorum ex nullo (crede mihi) te vnquam expedies. Si coactum Concilium Tridentinum cognouisti, cui illud ipsum patriae nostrae lumen pulcherrimum, quem paulo ante dilaudasti, Hosius Cardinalis praefuit; cur, quaeso te, de industria in odium offensionemq; veritatis irruis? Si per aetatis imbecillitatem, perq; occupationes adolescentiae, nihil audiuisti, ex me audias. Noli quaeso te turpe ducere, quod diu non didicisti discere. Si cum

Romana Ecclesia sentires: si quod fingis matrem eam tu-
am putares: conuocatum, coactum, publicatum, cele-
bratum, perfectum, absolutum, exequutioni mandatum,
Concilium Tridentinum non ignorares. Sed vos rectè
quidam Æsopo & Marcholfo similes facit, qui arborem
inuenire nullam potuit, in qua sibi vitam vellet iniecto
laqueo eripere. Euangelicorum proprij sunt isti fremitus.
Fiat Concilium: libera cogatur Synodus. Postquàm
coacta est; aiunt non esse liberam: postquàm libera decre-
ta est; aiunt ad Cæsarem, non ad Pontificem, ius congre-
gandi pertinere. Postquam congregatum tamen est; ar-
mis illud hostilem in modum dissipant, & Concilium
nationale, in intima Germania efflagitant, nec satis hoc;
Colloquium publicum & disputationem in Comitibus
Imperij decernunt. Vidimus, legimus, Comitiorum re-
cessus, vbi ista quæ dicimus per Euangelicos Principes
ab optimo Cæsare & ab Ordinibus Imperij, Regalibus
adiunctis minis efflagitantur. Vidimus & leges Ratisbonæ
descriptas, è quorum sententia Vormatiensis disputatio,
institui debebat: ex ea porro pacem toti Germaniæ red-
ditã iri sperabant Euangelici; sed natus est ridiculus mus.
Nam cum illi ipsi Euangelici Doctores, & Rabini, asses-
sores, Iudices & Notarij, conuenire inter se non possent,
nullo facto operæpretio, è medio cursu disputationis abi-
erunt. Lepidè itaque facis, quòd Concilium congrega-
tum ignorare te simulas: quod ni faceres; te Hæreseos
conuictum, vt Hæreticum damnatum, Anathemate per-
cussum, Sathanæ traditum nescire non posses. Fugis vi-
delicet, vt ante diximus, illud audire, quod auditum non
posses damnare. Molesta quippe est lippis oculis solis
claritas: dura sunt improbis animis præcepta pietatis. Le-
geres quoq; in illo ipso Concilio, de ea quam sceleratè la-
ceras religione Clericorum Societatis Iesu, deq; pio eo-
rum instituto à sancta sede Apostolica approbato. Sed
parcam stultitiæ tuæ, nec diutiùs in isto sermonis genere
immora-

immorabor, ne nobis illud magistri tui occinas: Quid nobis & tibi, venisti huc ante tempus torquere nos.

Ais deinde: *Iuuentutem numerosam habent suis in scholis, quibus artibus eam colligant & retineant, metuo, ne serò admodum animaduertamus, & tum demum velimus ei malo remedium adhibere, cum non poterimus.*

Non miror quòd non videas, quibus artibus iuuentutem & colligant & retineant Iesuitæ. neq; enim præ iracundia, vel officij tui, vel periculi, vel pietatis, vel humanitatis, vel veritatis rationem habes ullam. At viderunt viri Dei, illa orbis Christiani lumina, Hosius & Cromeus, quorum alter Societatem primus omnium in Poloniam introduxit: alter etiam fouit. Vidit optimus Episcopus & Senator Noscouius, qui Pultouienſe, vidit Episcopus Poſnaniensis Konarski, qui Poſnanienſe. vidit Episcopus Valerianus, qui Vilnenſe Collegium, exaſificauerunt: & Nobiliſſimam Regni iuuentutem, his, quos tu odiſti, focis & præceptoribus regendam & gubernandam tradiderunt. Vidit poſt iſtos omnes ſapientiſſimus Rex Stephanus, cuius inuicta virtus ſola pietate ſuperata eſt, qui Polocenſe, Rigenſe, Derpatenſe, Claudiopolitanum, Albauiulenſe, Varadinenſe Collegium excitauit. in quo iuuenum animos, ad omne officij munus Societas erudiret. Vidit & videt Illuſtriſſimus Archiepiſcopus Gneznenſis Karnkouius, qui maximo ſuo ſumptu ſcholam Calisſienſem excitauit. Vidit & videt Comes Rozrazouius Vladislauienſis Episcopus, qui ſceliciſſima Nouenſis Collegij in Pomerania iecit fundamenta. Vidit & videt Illuſtriſs: Princeps Olicæ Dux, Nicol: Chriſtoph: Radziuilius, qui Nieſueſenſe Collegium erexit: Vidit ad extremum is qui nobis ſceliciter imperat, Sigismundus tertius pientiſſimus Rex. Vidit ſapientiſs: Regni Senatus. Vidit ordo Equeſtris vniuerſus, qui illud ipſum Ieſuitarum Nieſueſenſe Collegium, & attributos illi redditus, in Regni Comitij publico Senatusconſulto, approbavit, eſſeq; Ieſuitis in Regno perpetuos voluit. Hos ſi

non vidisse, non intellexisse, non animo & cogitatione
percepisse dixeris, quibus artibus iuuentutem nume-
rosam ad suas scholas colligant Iesuitæ, quibusq; re-
tineant; dignus profectò es, cui oculorum cubilia
ὀφθαλμοί eruant. Sed agam tecum leniùs, dignus saltem es,
qui in eas oras deporteris; vbi viuos homines mortui in-
cursant boues. Congruit veritati ridere, ait Tertull: quia
lata est: de amulis suis ludere; quia secura est. Multa ri-
dendo possunt reuinci, ne grauitate adorentur.

Vis audire quibus artibus iuuentutem numerosam
ad suas scholas colligant Iesuitæ? Nil in discipulis præ-
ter discipulos amant. Quidquid docent; faciunt. (Æstima-
ri autem præceptoris magnitudo non potest, vita qui
docet) Doctos facere discipulos, sed *magis* bonos con-
tendunt. Ad vsum vitæ non ad consuetudinem scholarum
loquuntur. Nouè multa, sed noua nulla docent. Nil
habent melius quod optent, quàm vt discipuli De-
um & proximum diligant: & hoc solum auditoribus
suis, ex omnibus quas profitentur litteris proponen-
dum putant, quod virum bonum faciat. Vitæ in eo
fructum statuunt, si discipuli quotidie magis cælum;
mundum minus diligunt. Huc accedit, quòd non
contenti sunt remedia monstrare; etiam admouent. Non
sicut medici inter ægros quos perambulant, sine vllò af-
fectu venam tangunt, & abeuntes remedia disponunt;
sed sicut amici, propria & peculiari cura & studio di-
gnum discipulum putant. In singulos dum docent, ani-
mum & cogitationem dirigunt; vt quæ pro lectione pro-
ponuntur, non quasi in medium proiecta manibus exci-
piant, sed quasi singulis porrecta in animum demittant.
Operam enim quam præstant, non tantùm ipsis præstant,
sed tanquam ipsis. Nemo potest dicere; nullam habet
cogitationem mei: non in sinu meo ponit; sed in medium
proicit verba. In turba enim multorum, præcipuam de
singulis curam habent. non tanquam publici partem, sed
tanquam

tanquam proprium cuiq; dantes beneficium. Laborem in docendo, & molestum illud rædium, quod oscitantes discipuli pariunt, sine supercilio deutorant; hortando bonam indolem erigunt: laudando animum addunt, monendo desidiam discutiunt: ingenium latens & pigrum, iniecta manu extrahunt: nolentibus timorẽ adhibent: nec ideo discipulis profunt, vt profint & sibi; aut eos faciant vtilitatis suæ instrumenta; sed omne laboris sui præmium in eorum profectu statuunt, ad suspecta tempora occurrunt: nullum illis ministerium oneri, nullum fastidio est. Profectum discipuli, vitam: mortem; inertiam putant. Præceptores profitetur, amicos agunt, & quod in omnibus eorum studijs eximium est; cum sciant paucis opus esse ad bonam mentem litteris; omnem simul sapientiam in cõpendio tradunt; **TIMERE DOMINVM**. Illud quotidie sine modo, & sine fine discipulis occinentes. In quo vno omnes disputationes, omnes litteras quorumlibet Philosophorum: omnes leges quarumlibet ciuitatum: omnia præcepta Moïsis & Prophetarum: omniumq; diuinarum & humanarum disciplinarum summam contineri, dicit Augustinus; Diliges Dominum Deum tuum, ex toto corde tuo, ex tota mente tua, & proximum vt teipsum. Huc Phisicam dirigunt, quoniam omnes omnium naturarum causæ in Deo creatore sunt. Huc Ethicam; quoniam vita bona & honesta, non aliunde formatur, quàm cum ea quæ diligenda sunt, quemadmodum diligenda sunt, diliguntur, hoc est Deus, & proximus. Huc Logicam, quoniam veritas lumenq; animæ rationalis, non nisi Deus est. Huc etiam Rempub: Neq; enim conditur & custoditur optima ciuitas, nisi fundamento & vinculo fidei, firmâq; concordia. cum bonum commune diligitur, quod summum ac verissimum Deus est, atq; in illo inuicem syncerissimè se diligunt homines, cum propter illum se diligunt; cui, quo animo diligant, occultare non possunt. Ad quem certè finem nisi omnis omnium artiũ

& disciplinarum, omnium Doctorum & Præceptorum
cursus dirigatur, scientia quæri potest; inueniri non po-
test. Hæ sunt artes (ô bone) quibus animos capiunt. Hæc
vestigia quibus incedunt. Hæc ossa quam obijciunt. Hi
sunt hami quos inserunt. Hic viscus cui discipuli inhæ-
rescunt. Tales se planè Doctores isti noui & Præcepto-
res Iesuitæ exhibent, quales esse iubet doctissimus Lyri-
neñ cum ait; O sacerdos, ô tractator, ô doctor: Si te
diuinum munus idoneum fecerit, ingenio, exercitatione,
doctrina; esto spiritualis tabernaculi Beseleel: prætiosas
diuini dogmatis gemmas exsculpe, fideliter coapta, adorna
sapienter, adijce splendorem, gratiam, venustatem.
Intelligatur te exponente illustrius, quod antea obscu-
rius credebatur. Per te posteritas intellectum gratule-
tur, quod ante vetustas non intellectum gratulabatur:
eadem tamen quæ didicisti, ita doce, vt cum dicas nouè,
non dicas noua. Fas est etenim, dicit paulo post: vt pri-
sca illa cœlestis Philosophiæ dogmata processu tempo-
ris exornentur, poliantur, limentur: sed nefas est vt cõmu-
tentur, nefas vt detruncentur, nefas vt mutilentur. Acci-
piant licet euidentiâ, lucem, distinctionem; sed retine-
ant, necesse est, plenitudinem, integritatem, proprietatem.

Exclamas deinde: *Putatisne, Senatores, disciplina monachorum
iuuentutem ad res rectè gerendas erudiri posse?*

Et hoc impotentis animi signum est, omnibus in vni-
uersum sine fine irasci. Sed tu de industria in Regum &
Legum offensionem incurris. Tecumne es? O quàm verè
Paulus nil scientem Hæreticum appellauit! Hic ego te
non verbis è Donato; sed legibus, sed Decretis, sed statu-
tis, sed grauissimis Senatusconsultis è Regni Statuto
conuincam: in quo lex illa Sigismundi Regis laudatissi-
mi legitur, quæ Regni Poloniæ Abbates omnes obstrin-
git, vt Nobilium filios in suis monasteriis ad omne officij
munus instituendos & erudiendos fuscipiant, verba le-
gis sic habent; Tenebuntur Abbates certum numerum
puerorum

puerorum Nobilium fouere in Monasterijs, & illos inibi hominibus doctis artibus liberalibus dare instituendos, iuxta quod unicuiq; Abbati, Domini Episcopi illorum locorum consignabunt & nominabunt. Deinde verò meminisse debebas Cazimirum Primum in Cluniacensi Benedictinorum Monachorum sodalitate educatum, & institutum, tanta cum pietatis & fortitudinis laude Regni Poloniae clauum tenuisse, vt Maslaum Masouiorum tyrannum deleret, rebelles Prussos reprimeret, acerrimos Iazuingas penitus extingueret: pacem Regno redderet: Dei cultum augeret: Domicilia multa Christi seruorum erigeret: & nomen ad extremum Instauratoris Pacifici consecutus esset. Stephanus quoq; Rex laudatissimus, ille inquam Rex, cuius virtutem hostes, misericordiam victi, fidem & prudentiam, cæteri omnes perspexerunt inter eos quos ex Italia in Poloniã euocabat, vt in optimis litteris Regni iuuentutẽ erudirent, Patrem etiam Aquarium Dominicanani instituti religiosum esse voluit, præmiumq; nõ vulgare promisit. Camillum quoq; Tachierum Franciscanum, concionatorem suum aulicum: & Annibalem Rosselli Bernardinum, in illa ipsa Academia Cracouiensi, cuius causam te agere simulas, tum Philosophicas tum Theologicas litteras profiteri voluit. Iudicet lector, vtrũ tibi garrulo adolescenti, an Regi sapienti, de Monachorum disciplina fidem vellit adiungere.

Quæ tibi de moribus Italicis, Gallicis, Hispanicis in patriam inuectis garrire libuit; hæc quoq; præterijsses, si vnquam illud audiuißes, Regis ad exemplum totus componitur orbis. Reges enim & Principes externi, quos patria nostra intra hos paucos annos ex Gallia, Germania, Vngaria, ad Regni gubernacula euocauit, non quatuor aut quinque Religiosi in patriam inuexerunt, quicquid de maiorum nostrorum simplicitate & integritate detractum est. Facilius est si dicere fas est, ait Calsiodorus, errare naturam; quàm dissimilem sui Princeps possit formare Rempub.
Sed non

Sed non placet tibi scholas euerti. Benè est. aliter enim si diceres, verbis ego tuis lumbos defractus optarem. Placet autem veterem potius reuocare disciplinam, & patriū morē, præmia magistris & præceptoribus proponi, eos gratitudinis, & vtilitatis spe, ad scholasticum laborem suscipiendum excitari; Assentior. Age itaq; exoptatissime reformator, tabulas arripe, legem scribe, pœnam transgressori statue: iube tuos Euangelicos census retentos dissoluere: ereptos redditus reddere: decimas interuersas repræsentare: agros ademptos referre: pensiones descriptas comportare: assignata à maioribus præmia illico dependere; mox videbis, crede mihi, Academiae Cracouiensis Magistros & præceptores, ad scholasticum laborem suscipiendum; magis etiam atq; magis excitari. Sed vereor, vt tui similes clependi rapiendiq; consuetudinem relinquāt, mallent illi quicquid adhuc superest, de viuo detrahere, quàm erepta reddere: idq; sine freno timoris & pudoris, vbicunq; possunt, impiè crudeliterq; exequuntur.

Ais deinde: *sed Iesuitarum opera, studio & diligentia effectum est, vt Africa, Asia, America, Persia, Romana Ecclesia instituta & placita amplectantur.*

Id quidem tu, fat scio, verum esse nolles; sed cùm rerum testimonia ipsa tua videat conscientia, etiam ipsa tua per se erubescit ratio, deficit interpretatio, obmutescit oratio: lege Surium, Maffæum: lege epistolas Indicas, lege Ribadeneiram, lege quotquot de rebus Indicis scripserunt, & linguæ tuæ modestiæ frenos impone.

Quæris deinde: *quinam sunt illi viri? quæ est ista pietas? quæ prudentia? quæ rite sanctimonia? vt tantum bonum orbi christiano importauerit.* Ausculta, & mea dicta deuora. Proprius est hic gentis nostræ mos; consilia sua, non præcedente sapientia, sed consequente experientia, moderari. Doleo quòd ita sis & tui & rerum planè omnium oblitus, vt ea ignores, quæ Gallia, Germania, Hispania, Lusitania, Vngaria, ipse quoq; nouus orbis, & vltimarum sola terrarum non ignorant,

ignorant. At si tibi Senatoris & Consiliarij munus susci-
pere libuit, non discere ista debebas, sed didicisse. In o-
mnibus, ô puer, (libet te Platonis verbis appellare) vni-
cum principium h̄s qui benè consulere volunt, est intel-
ligere, quid illud sit, de quo consultatur : vel omninò ab-
errare necesse. plerosq; verò later, quòd nesciant rei sub-
stantiam. Tanquam igitur scientes in dispositionis prin-
cipio non declarant, procedentes verò, quod par est con-
sequitur, vt nec sibi nec aliis consentanea loquantur. Ne-
sis ergo nesciens, aut in Repub: Christiana peregrinus;
narro tibi qui sint isti viri. Si Deum nosti: aut illi res
mortalium curæ esse credis, inficias ire non poteris, eti-
amsi sis impudentissimus, apta eum & conuenientia re-
media, singularum ætatum & temporum, morbis atq;
incommodis adhibere consueuisse. Cogunt (ait Augu-
stinus) multas inuenire medicinas, multorum experimē-
ta malorum. Magnis olim erroribus Chaldeorum po-
puli tenebantur, cum rerum causas, ad motum syderum;
non autem ad Dei potentiam, & voluntatem referebant.
Sed misericors Dominus ferre non potuit, vt in errore
turpissimo consumarentur. Suscitauit enim oportuni-
simo illo tempore, admirabilem illum Patriarcham Abra-
hamum, qui fuit illis quasi via rectę fidei, creatoris omni-
potentiam ostendens, & à cultu & veneratione rerum
creatarum auertens. Ægyptij mirum in modū erāt præsti-
giatorum artibus, & incantationibus, de statu mentis de-
turbati. Sed Dominus amicum suum illum magnū Moi-
sen exhibuit, qui dæmonum fraudes detegeret, & Domini
potentiam & gloriam per verba & miracula prædicaret.
Israelitarum rationes valde erant in aliquo tempore con-
turbatæ. nullum enim certum Magistratum habebant,
cuius imperio tenerentur; ecce subito Samuel diuinus af-
fulsit, qui magnum præsidium inclinatis rebus attulit, &
sub vnius imperium, Dei iussu, subiunxit. Achab ille
Rex impius, Deum Patrum suorum dereliquit, & diui-
E num cul-

num cultum manufactis simulachris adhibuit; sed Dominus Eliam Thesbitem suscitauit, qui Regis impotentiam frangeret, atq; ad vnius veri Dei cultum reuocaret. Procedente tempore suscitauit Satanas in Asia Mamalucos: suscitauit Dominus Templarios. Suscitauit Sathanas Saracenos Prolomeiden oppugnantes: suscitauit Dominus sex viros Lubecenses & Braunsuicēses primos eius ordinis autores, quem Theutonicorum appellant, strenuos terræ sanctę defensores. Suscitauit Satanas Turcas Asiam infestantes: suscitauit Dominus nobilissimū ordinem Equitum Hierosolymitanorum illis obsistentes. Saraceni Belgicam occupauerant, magnaq; premebant seruitute: suscitauit Dominus in Lusitania Equites Iesu Christi, qui vim immanem barbarorum profligarent, & suos libertate donarent.

Magna fuit olim Christianorum vis in captiuitatem abducta; & statim Dominus ordinem S. Marię, redemptionis captiuorum, duce & auctore Iacobo Aragoniæ Rege excitauit. Sed longum esset omnia, omnium ordinum & religionum genera, opportunissimis humano generi temporibus à Dei benignitate suscitata memorare. Ipsa S. Francisci, & S. Dominici familia, quàm opportuno Reipub: Christianę tempore initium acceperit, obscurum non est.

Sic existimare debes suscitata fuisse à Domino, isto nostro seculo, eam quam iniquo odio tam acerbè oppugnans IESV Societatem, tanquam Antidotum quoddam earum pestium, quas Luterus in orbem Christianum introduxit. Pax & tranquillitas, qua Ecclesia Dei longo tempore fruebatur; partim extinxerat, partim debilitauerat feruorem illum pietatis, quo maiorum voluntates inflammatae videbantur. Intermisus erat frequentior Sacramentorum vsus: obtorpuerat Confessionis & Pcenitentię studium: languere cceperat conscientiarum examen, contemplationum assiduitas: meditationum desiderium;

derium: remissa videbatur hospitalium cura, Catechu-
 menorum instructio: xenodochiorum sollicitudo: capti-
 uorum redemptio, fraterna correctio, Concionum assi-
 duitas, Sacrificij frequentatio, ciliciorum & maceratio-
 num vltus: dormire quodam modo in summa Ecclesiæ
 Dei pace videbantur homines, viuebant vitam habentem
 vt Pindarus loquitur *μελιτόεσαν ἐν θλίαν*, cōtenti præsentibus.
 Interim venit inimicus homo & superfeminauit zi-
 zania, earum Hæresum & pestium, quibus orbem Christi-
 anum afflictum videmus & dolemus. Sacram scripturam
 corruptit, Symbolum violauit, Sacramenta minuit, Tri-
 nitatem blasphemauit, Patres & Concilia contempsit,
 Imperia perturbauit, viam ad Atheismum aperuit. Quid
 autem mali non fecit? Has animarum ruinas, non ferens
 misericors & miserator Dominus; suscitauit admirabiles
 illos Ecclesiæ suæ *ταυτες καὶ τηλικαυτους προσκατάς* verbo & o-
 pere potentes, quorum ora vos Euangelici, vestra vos re-
 mordente conscientia, in illa die tremenda non feretis
 Eckios, Rossenses, Moros, Polos, Taperos, Hæselios,
 Sotos, Hosios, Cromeros, Sanderos, Socolouios, Po-
 uodouios, & mille alios. qui cū egregiè suo munere,
 suaq; legatione functi, pro Christo fuissent, & pleriq; eti-
 am vsq; ad sanguinem restitissent; quos vos igne, ferro, la-
 queo, equuleo, omni suppliciorum & crudelitatum ge-
 nere laceratos obtruncatis; & his præterea calumniis
 onerastis, quasi quam profitebantur fidem, eam non ob
 amorem Christi, aut veritatis studium, sed ob Papæ me-
 tum, ob censuum, reddituum, Episcopatum, & id genus
 amorem tuerentur; Visum est vicissim Domino, novos
 homines suscitare, sine re, sine sede, sine Episcopatibus,
 sine Abbatiis, sine pera, & gladio: inermes, incomitatos,
 viles in oculis seculi: nil timentes nisi Deum, nil speran-
 tes, nisi à Deo, qui mortem pro Christo lucrum putarent:
 occidi possent, vinci non possent. quorū societas esset, vt
 Ioannes in sua Epistola loquitur, cum Patre & Filio eius

IESV CHRISTO, eosq; ceu quasdam auxiliares leuio-
ris armaturæ copias, in medias Euangelicorum acies, in
ipsa vestra viscera immittere. quæ vos in omnibus orbis
Christiani partibus, quas veneno vestro infecistis, Ger-
mania, Gallia, Anglia, Scotia, Polonia, Bohemia, Vnga-
ria, Suetia, telis verbi Dei conficerent. veritatis spicula
intorquerent, in vestris ciuitatibus; in oculis vestris vo-
biscum viuerent: vbiq; vobis etiam inuitis, & nolentibus
occurrerent: nec solùm voce & calamo, sed etiam aspe-
ctu silentioq; suo, vestræ vos perduellionis, & rebellionis
admonerent. & illud quotidie, quod olim vestri similibus
hæreticis Augustinus, occinerent; Quod Dominus in
cathedra vnitatis, posuit doctrinam veritatis. Cathedrā
autem vnitatis in ea collocatam ostenderent, quæ caput
est orbis, vrbe Roma, cuius fidem, vt apud Hosium legi-
tur, Apostolica voce laudatam esse scimus, in qua per-
petuò conseruatam eam fuisse, quæ est ab Apostolis, tra-
ditionem refert Irenæus: cui totam doctrinam Apostolos
vnā cum sanguine suo profudisse Terrullianus asserit. ad
quam accessum habere perfidiam nunquam potuisse, te-
statur Cyprianus. quam ita semper incorruptæ Patrum
doctrinæ fuisse tenacem, vt quoties Romana fides dice-
retur, Catholica intelligeretur, ex his quæ scripserunt,
Hieronymus & Ambrosius, didicimus. in qua semper
Apostolicæ cathedræ viguisse Principatum narrat Augu-
stinus. quā hæretici fœtoris semper expertem perman-
sisse, nec vnquam in ea, qui contrarium sentiret, sedisse;
quin potius Apostolicam gratiam inuiolatam custodi-
uisse testatur Theodoretus. ad quam propterea de fidei
causis iam inde ab ipsis Apostolorum temporibus, nun-
quam non relatum fuisse, qui seculis aliquot fuit posteri-
or Bernardus asserit. quod ibi potissimū sarcita iri da-
mna fidei, spes foret, vbi fides non posset sentire defectū.
Idq; etiam inuitis & reluctantibus vobis, ipsis inferni por-
tis frementibus, tanto cum fructu vtilitateq; faciunt; vt
omnia

omnis iste, quem fabricare orsi estis, Satanismus, in patria præsertim nostra, animam agere, & extremam partem deficientis Spiritus retinere videatur. Dicentibus Heluetiis; Fides Luteri iam ultra Rhenum periit: dicentibus Anglis, & ultra mare, Gallis, & ultra Alpes; Polonis, & ultra Istulam: Vngaris, & ultra Danubium. Dicentibus Italis, non transit montes: dicentibus Hispanis, nec Pireneos. Calvinismus enim velut nouus Iupiter successit, & garrulum Luterum, velut vetulum Saturnum explosit: sed & ipse iam nutat, & Trideismus exulat. His porro omnibus extremam mortiferam plagam Ateismus intemat. Vnde apparet, ô Evangelici, Christum non esse vobis propitium, qui ne defensu quidem (hoc enim agere vos fingitis) vos defendit. Quæ rerum conuersio sine pietate & prudentia Antagonistarum, & sine vitæ sanctimonia expectari certè, sperariq; non poterat. De quibus quia quæris, quænam sint ista, vt tantum bonum orbi Christiano importauerint. Respondebo tibi. Paternus affectus laborem non meruit.

Scias velim Societatis huius primum ac præcipuum esse institutum; Hereticos ab erroribus, Catholicos à malis moribus, Gentiles à falsis de Deo opinionibus reuocare, atq; ad vnius veri Dei cultum pietatisq; studium ardentius complectendum adducere. Id autem vt efficacius præstent, verbo se prius vitæq; exemplis in suis contuberniis instruunt, diligenter enim prius omnia discunt; antequam doceant. Vitæ sordes lachrymis quotidie & oratione eluunt: carnis cupiditates comprimere, atq; sub rationis imperium subiungere contendunt, ieiunio, cilicio, humi cubatione, Dyamastygosi & id genus alijs carni repugnantibus exercitiis. Hinc sese totos ad rerum diuinarum contemplationem transferunt. in qua quò magis exercentur, eò magis hæc quæ videtur omnia, opes, honores, vitæ commoditates, vt fumi umbram, vel sicut Paulus loquitur, vt stercora reputant. Quò magis

autem omnia istiusmodi contemnunt; hoc magis in solius Dei amore exardescunt: hoc libentius meditationibus vacant. quas rectè quispiam conflictum esse, dixerit sine sanguine. Quem autem quis amat, omninò cauet ne vlla vnquam ratione offendat. Inde fit; vt in custodia sui ipsius vigilantissimi sint, horasq; omnes auarissimè seruent. Manè, diuina in se, & in genus humanum beneficia recognoscunt. Meridie, & vespere exactissimam, cum animo suo rationem ineunt, quid horis singulis egerint; omnibus vestigijs accuratissimè scrutantes, si quæ illicita desideria mentem inuaserunt: si diutius hæserunt, si consensum extorserunt: si etiam voluptatem attulerūt. Ipsam deinde linguam ad iudicium aduocant, si quid loqui pro Dei gloria omisit, si quo verbo proximum læsit, si quempiam calumnia oppressit, si tacenda dixit, aut dicenda tacuit, hinc manus & opera excutuntur. Porro si quæ macula depræhenditur, dum paruula est, ad petram alliditur, lachrymarum balneo eluitur, Cataplasma confessionis applicatur, & vix in alteram horam medicina reseruatur. Ad eum modū disposita vitæ ratione, compressisq; carnis cupiditatibus, animi culturam adhibent scq; in diuinorum librorum, Sacra scilicet scriptura, Sanctorumq; Patrum lectione, & meditatione penè incredibili studio, & contentione exercent, volentes esse parati, iuxta Pauli præceptum, rationem reddere omni poscenti, de ea quæ in illis est fide. Postquam autem caro rationi, ratio Deo subesse atq; obtemperare didicit, ab his qui præsunt, in vineam Domini emittuntur, atq; ad operas distribuuntur. Non enim in sola contemplatione: nec in sola actione vitæ summam sitam putant: Sed quo Dei gloria, quo salus proximi, quo vocat Ecclesiæ necessitas, siue horum alterum, siue etiam vtrunq; adhibent. Alius itaq; confessionibus pœnitentium excipiendis vacat: alius Sacramentis distribuendis, alius ægrotorum & debiliū cura destinetur: alius in agone politos consolatur, alius in xenodochio

nodochio languentes curat: alius ē carcere vinctos libera-
 rat, dissidentes conciliat, vagantes per vrbium vicos ad
 templa congregat, per exiguas villulas & deuia oppidu-
 la Catechilum & doctrinam Christianam prædicat,
 egentes opulenti commendat. Alij sunt vicissim qui re-
 futandis hæreticis operam nauant, in medias sese Hæ-
 reticorum acies proijciunt, & omnia simul & faciunt &
 patiuntur, vt Christi Dei nostri nomen glorificetur, con-
 cionando, scribendo, disputando. Aliis non satis est or-
 bis iste, his nostris, oculis obiectus, & his calcatus vesti-
 giis; Oceanū vniuersum emetiuntur, nouas gentes, igno-
 ta orbi nostro Regna & Imperia, in vltimis terrarum par-
 tibus scrutantur, quibus Deum verum annuncient. nul-
 la deniq; est orbis vniuersi ora, sedes, locus, inter Christi-
 anos, Machometanos, Hæreticos, Ethnicos, quo non
 fuerit sonus Iesuitarum, *CHRISTI* nomen prædican-
 tium, exauditus. Non remoratur eos Tyrannus, non im-
 pedit Oceanus (& qui maior Oceano murus?) persecu-
 tor non deterret, percussor non frangit, quominus vbiq;
 Dei annuncient voluntatem. Quam tu, fat scio, pertina-
 ciam, & zelum non secundum scientiam appellabis. Sed
 si tibi Dominus aliquando Spiritum humilitatis, quo o-
 mnes destituuntur Euangelici, dederit. Dabit autem, si in
 recta fide nihil hesitans postulaueris; iudicabis profectò,
 nil nimium esse graue amanti. Cæterum non est difficile
 diuinare, quid malles. Illa tu studia hymnis chorealibus
 efferres, in quibus ætatis tuę florem contriuisi. In illis tu
 mensis & occupationibus Iesuitas videre velles, in qui-
 bus nil agitur, quod foras proferendū sit: vbi diurnę no-
 cturnęq; perpotationes *πάταγος τε καὶ ἀλλήλων σκυθικαῖς* per-
 agūtur, in quibus te videre posset, vt Anacreon loquitur;

Iuuenem in scyphis valentem:

Minimè in scyphis pauentem:

Lepidum in scyphis choreuten:

κυτάρῃ;

cytharâq; concinente

remulenta verba fundentem.

Vbi alius inter manus è conuiuio tanquam è prælio auferatur, alius tanquam occisus relinquatur, alij fusi sine mente, ac sine vilo sensu iaceant. quiuus vt cum aspiiceret; non ingenuorum conuiuium, sed Orfensem aut Grunevaldensem cladem & pugnam videre arbitraretur. Sed solenne est, iis qui in amore & voluptatibus adulescentiam suam collocârunt, hanc etiam vitam, atque hæc studia dilaudare.

Quod ad iuuentutis institutionem attinet, quam bonis artibus & moribus imbuendam susceperunt. Si dixero; quòd Spiritus sanctus huius consilij & cogitationis initium Societati attulit, non ero similis tibi mendax. Maiorem quippe curam, ait Augustinus, adhibere oportet, in educatione; quàm in procreatione liberorum. Non enim fœlicitas est habere filios, sed bonos habere. Plato quoq; nil accuratiùs admonet; quàm optimam, ac diligentem puerorum institutionem, ex qua vna salus penderet Rerum pub. Magistratus enim optimos haud posse fieri, nisi ciues viri sint optimi. ex quibus Magistratus creantur. Viros porro nunquam fore tales, nisi adulescentes, pueriq; tales sint. Quamobrem etiam nutrices monuisse dicitur, vt ne turpes ac friuolas fabellas pueris occinant, ne illorum animos statim ab initio, stultitia, & corruptis imbuant moribus. Plutarchus etiam paterna putat appellatione indignos, qui plus studij ac temporis ponunt in comparandis pecuniis, quàm in filiis quibus pecuniam relinquunt, ad virtutem effingendis. neq; hoc aliud esse, quàm magnam calceorum sedulitatem habere, pedem verò ipsum paruifacere. Cicero nullum munus Reipub: afferri maius posse testatur, quàm si doceamus atq; erudiamus iuuentutem, iis præsertim moribus atq; temporibus, quibus ita prolapsa est, vt omnibus opibus refrenanda, atq; coercenda videatur. Certè D. Paulus

Timotheum

Timotheum suum hoc quoq; nomine commendat, quòd ab infantia sacras litteras didicerit. Hieronymus verò tantus Ecclesiæ doctor, non erubuit & docere & scribere de Pacatulæ infantulæ educatione, deq; filia institutione ad Latam. Facilis est enim ab improba vita ad improbam fidem transitus. vnde & Paulus loquitur, quòd multi repellentes bonam conscientiam, naufragauerunt à fide. Et alibi: Radix omnium malorum est cupiditas, quam quidam appetentes errauerunt à fide. Sapiens quoq; testatur, quòd in maleuolam animam non intrabit Spiritus sapientiæ, nec habitabit in corpore subdito peccatis. Spiritus enim sanctus disciplinæ effugiet fictum, & auferet se à cogitationibus quæ sunt sine intellectu. Vnde fit, vt insignis ille orthodoxæ veritatis vindex Athanasius, vitam prauam, parentem seu anteambuloneim hæresis appellaret; Basilium gradum ad infidelitatem. Bonam autem conscientiam, vbi mala sedem occupauit, aut temperantiam vbi cupiditas imperium obtinuit, quàm sit difficile animis hominum inserere; tu fortasse non nosti, qui in hoc contentionis genere vestigium nullum posuisti. sed norunt hi qui quotidianum certamen, cum carne, mundo & sanguine suscipiunt. Longo tempore, ait Augustinus, magnis viribus, diuersis artibus opus est, vt persuaideatur superbis, quanta sit virtus humilitatis, vt persuaideatur cæcis, quanta sit gratia lucis: vt persuaideatur ebriis, quanta sit virtus sobrietatis. Adolescens enim, ait Salomon, iuxta viam suam ambulans, etiam cum senuerit non recedet ab ea; & Salomone vetustior Iob; Ossa, inquit, eius implebuntur vitiis adolescentiæ.

Visum itaq; est Spiritui sancto tam pios excitare Sacerdotes, vt exemplo; tam doctos, vt & verbo iuuentutem erudirent: talemq; animam formarent, quam inhabitare Spiritus sapientiæ non dedignaretur. Prior est, ait August: in recta hominis eruditione, labor operandi, quæ iusta sunt; quàm voluptas intelligendi quæ vera sunt. Sed

ea de re nulla fortasse inter me & te controuersia est. Volui tamen partes earum occupationum attingere, quibus distinentur Iesuitæ, quamq; magna ratione adducti sunt, vt instituendæ Iuuentutis in timore Domini curam susciperent. teq; eadem opera, & quinam sint isti viri docere, & quænam sit eorum pietas, vitæq; sanctimonia, ob oculos ponere. Si mihi non credis, testes producam Romanos Pontifices, quos si Christi vicarios putas (id enim valde dubito) decretis eorum acquiescas necesse est.

Paulus tertius Pontifex Maximus, cùm Institutum Societatis breui formula comprahensum legisset, vehementer illud approbavit, & in eo Spiritum Dei inesse testatus est, seq; non tenues fructus sperare, neq; exiguas ex tam exiguo tenuiq; principio vtilitates ad Dei Ecclesiam peruenturas expectare. quamobrem etiam illud Apostolica sua autoritate Anno 1540. approbavit.

Iulius verò tertius ipsam etiam formulam litteris suis inseruit, recepit, & approbavit, quam hic libet inferere. Quicumq; in Societate, quam *IESV* nomine insigniri cupimus, vult sub crucis vexillo Deo militare, & soli Domino ac Ecclesiæ ipsius sponsæ sub Romano Pontifice Christi in terris vicario seruire, post solenne perpetuæ Castitatis, Paupertatis & Obedientiæ votum, proponat sibi in animo, se partem esse Societatis, ad hoc potissimum institutæ, vt ad fidei defensionem & propagationem, & profectum animarum, in vita & doctrina Christiana, per publicas prædicationes & lectiones, & aliud quodcunq; verbi Dei ministerium, ac spiritualia exercitia, puerorum ac rudium in Christianismo institutionem. Christi fidelium in Confessionibus audiendis, ac cæteris Sacramentis administrandis, Spiritualem consolationem præcipuè intendat, & nihilominus ad dissidentium reconciliationem, & eorum qui in carceribus, vel in hospitalibus inueniuntur, & ministerium ac reliqua charitatis opera, prout ad Dei gloriam & commune bonum expedire visum

dire visum erit, exequenda. gratis omnino, & nullo pro suo in prædictis omnibus labore, stipendio accepto, se utilem exhibeat, curetq; primo Deum, deinde huius sui Instituti rationem, quæ via quædam est ad illum, quo ad vixerit ante oculos habere, & finem hunc sibi à Deo propositum totis viribus assequi. vnusquisq; tamen secundum gratiam sibi à Spiritu sancto subministratam, & vocationis suæ proprium gradum, &c.

Gregorius quoq; XIII. Anno 1584. apertè confitetur, non immeritò fuisse ab antecessoribus suis Romanis Pontificibus multa huic Societati concessa, ob egregias, sic enim loquitur, virtutes, & dona diuinitus elargita, cum illius finis præcipuus sit, Catholicæ Religionis defensio ac propagatio, animarumq; in Christiana vita & doctrina profectus. tum etiam proprium esse gratiæ eius vocationis testatur, diuersa orbis terrarum loca, ex Romani Pontificis per Præpositos generales directione peragrare, vitamq; in quauis mundi parte agere, vbi saluandarum sua opera animarum copiosior prouentus ad Dei gloriam speretur. His tu profectò si fidem non habebis, ego cur te Christianum putem, non video.

Sed adhuc quæris; *quæ sit Iesuitarum prudentia.* Id equidem rectius ab Euangelicorum ministris, vel à Mexicanis & lapponensibus Bonziis, vel à Turcicis vel Scyticis Caddis & Muleammanis quæsiuisses. Dixissent illi tibi, quod consilij genus adhibeant; quauè prudentia & solertia vtantur Iesuitæ, cum in medijs Euangelicorum & Paganorum vrhibus, cum in oculis & auribus infestissimorum Principum, Christi Dei nomen intrepidè prædicant: Christi crucifixi signa statuunt: cum quos illi Deos colunt, esse Dæmonia ostendunt: cum Idola, cum aras impias, euertunt: cum templa Deo viuenti erigunt: cum Reges sacro Baptismate tingunt: cum Bonzios idolorum ministros sub suaue Christi iugū subiiciūt. Sed ad nostra veniamus. Quære ex tuis Superintendentibus, & scho-

Iarchis, vtrum lynceos oculos, aut emunctas nares habcant Iesuitæ; cū artes eorum omnes, dolos, fraudes, technas, laqueos, & quas animis hominum fodiūt foueas depræhendunt. Qua putas solertia opus habebant, cū Augustæ Vindelicorum (quam quidam vestrum nouam vocare Bethlehem propterea non dubitat, quòd in ea natum & approbatum sit quintum hoc Euangelium, quod Augustanam Confessionem vocatis) sedem figerēt. cū illam ipsam Augustanam perfidiam pro concione damnarē, collegia erigerent, adolescentes instituerent, vestris Magistris & Ministris intrepidè ubiq; occurrerent: cū animo vinci nescio, ad certissimam mortem in intimam Angliam penetrarent: cū inuicta mente ante Præfides & tyrannos starent. & Christum Dei viuētis, & sponsam eius Romanam Ecclesiam, Romanūq; Pontificem Christi vicarium, ad ipsos laqueos & eculeos semiuiui & semiusti confiterentur. Qua prudentia sedem Ratisbonæ fixerunt, Halberstadium, Erfortum, Magdeburgam; in ipsam etiam pene deploratam Scotiam, & alia permulta hæresi inquinata loca, mucronibus infesta, & non nisi mortis contemptoribus peruia penetrarent, & Euangelicos omnes Christi inimicos, & Ecclesiæ Dei perduelles & libenter & liberè pronunciarent. Cū deniq; in Egypto, in monte Sina, in ipsa vrbe Constantinopolitana, Dei summi voluntatem, omnibus inuitis Saracenis & Mamalucis annuntiarent & annunciant. Res tantę Iesumastis; non casu & fortuna, sed mente firma, consilio solido, diuina prudentia gubernantur. non prudentia carnis, quam tu solam sapere forte putas; sed prudentia, quam timor Domini inchoat, amor perficit.

Ais deinde: *Non tam benè refert simia simiam, nec ouum ouo, nec lac lacti tam simile est; quam monachus Iesuitæ; & Iesuita monacho.*

Profectò, si fatuo delectari vellem, non esset mihi longius abeundum. Te riderem. Sed miratur alicubi Plato, qui fieri possit; vt aliquis in his superbè sapiat & gloriatur, in

tur, in quibus nondum quicquam sapit. Tu quid sit Monachus nondum sapis; & tamen de Monachi nomine tibi delicias facis. Vide ne tua infantia, non scriptorum calamis, sed pedissequorum sibilis explodatur. Nam si quicquam vnquam, vel de Antonio, vel de Paulo, vel de Basilio, Augustino, Bernardo, & aliis sanctissimis Monachis auditione accepisses: si Chrysostomum de laudibus vitę monasticę, si eam Homiliam, quam de Regis, & Monachi comparatione conscripsit, & Crömerus noster è Gręca Latinam fecit, saltem inspexisses; si scriptores innumeros, & Doctores Monachos dilaudantes cognouisses; in Monachi nomine ita, vt facis, non luderes. Si tua inquam mater esset Ecclesia Romana, quod tibi verbum paulò ante, nescio quo modo excidit; si tu eius esses, vt videri vis filius, Monachorum appellationem probri loco non duceres. At tu præ stupore non consideras; quòd cùm Iesuitas Monachis facis similes; Paulo, Antonio, Augustino, Basilio, nolens volens similes facis. Vide quā sit potens veritas, & da honorem Deo. Etiam per hostiū veritatis, iugula cùm ille vult erumpit, nec magis quidquam timet, quàm taceri, oditq; mores. Sed ego

*Non dicta tanti ponderis tua aestimo,
Mortalis, vt perennia Deorum queas
Temerare iura, insculpta mentibus hominum.
Non hæc heri aut sunt nuper admodum edita.
Vixere semper quoq; tempore cæperint,
Scit nemo*

Quoniam autem conuictiorum tuorum semper incipite ex fine principium: manum tibi porrigā, vt ex isto quoq; cœno pedem extrahas. Dicam ego tibi, quid sit magis etiam inter se, quàm ouum ouo, & lac lacti simile. Tu & tui Euangelici. Paganis & Machometanis longè estis similiores, quàm Monachus Iesuitę, & Iesuita Monacho. In hoc enim Iesuita Monacho similis est, quia Castitatem vouit, Paupertatem suscepit, Obedientiam promisit: at

in habitu cultuq; corporis differunt. Cæterum Euangelicus omnis, siue sit Luterista, Caluinista, Trideista, Anabaptista. siue cuiuscunq; tandem sectæ discipulus, nulla prorsus in re, à Pagano & Machometano dissentit. Blasphematur Paganus Christum Dei viuentis, blasphematur & Trideista: Ridet ille Baptismum; ridet & Anabaptista: Fabulam reputat Eucharistiam; reputat & Caluinista: Imagines ille reprobatur; reprobatur & comminuit Luterista. Sanctorum inuocationem ridet Paganus; ridet & Euangelicus. Machometus sacras Imagines deleuit, & Mechenfium quoq; ciuium suorum idola Aleth & Tagot comminuit; & Euangelici Christi crucifixi, omniumq; Diuorum imagines aboleuerunt. Machometus nullum ferre iudicem voluit suæ doctrinæ; prohibet etiam ne sui discipuli, Iudæos aut Christianos iudicare de fide patiantur; idem faciunt Euangelici. Machometus diem Veneris vt diem Dominicum haberi voluit; ita Euangelici. & inter eos Lutherus, diem Dominicum Paschæ, in alium diem voluit immutari, & Carolstadius nullum alium diem præter Sabbatum esse in honore voluit. Machometani non circuncidunt, nisi septem aut octo annorum pueros; Euangelici etiam adultiores vix baptisant. Machometus Polygamiam docuit; Euangelici, Anabaptistæ liberaliter exequuntur. Hecerus enim tredecim vxores habuit: & Regiomontanus quidam è Carnifice minister, septem viuas in diuersis locis vxores aluit. Machometus vt suis piam in speciem vitam commendaret, negabat aliena cuiquam prodesse opera; Lutherus & cum eo totus Euangelicorum cætus, non modo Sanctorum negat opera aliis vtilia; sed nostra propria omnia facit peccata. Machometus sacrorum & religionis suæ, quasi quosdam Antifites assignauit, Muphtios, Caddeos & Talimeanos; Euangelici sacrorum curam & ministeria omnibus in vniuersum communia esse volunt. nec, vel vilissimos cerdones, pelliarios, vespillones, lenones, imò nec ipsas sceminas ab

nas ab ea repellunt: Machometani Christianos faciunt, impios; quòd Christum Deum suum ederent: Euangelici nos appellant θεοκτόνας, siue Deicidas; quòd Dei filium, deuoramus. Summa est, nec ouum ouo, nec lac lacti, ita simile est, vt Euangelicus Machometano: & Machometanus Euangelico.

Quod ais: *utrum eos ad decipiendos homines habere accommodatū, os in latebris repositis compositum; oculos & totius corporis habitū, atq; ipsam rationem ad simulandum & dissimulandum accommodatam.*

Deus bone, quàm ineptus es, quàm tuiipsius amans, sine riuali. De saxo scilicet, in crucem. Pudoris exitium. Iam mare haud est mare. Tu mare mendaciorum acerri-
mum. Omnibus, vt video, sanctitatibus bellum indixisti. quando Modestiam, Temperantiam, Grauitatem, os non garrulū, oculos non vagos, incessum minimè præcipitem, & orationem maturā, conuitio & repræhensione dignam putas. An eos esse tuis ministris Euangelicis similes malles; qui non solum esse, sed etiam videri volunt impudentissimi, sicut à Smidelino factum in comitiis Vormatiensibus legimus; vbi Lutheri verbum è loco superiore, cum sago & manica picturata, & venatorio cul-
tro ad latus prædicabat. Sed domum te reducam. Vilnæ habebatur Zuingliana Synodus ante triennium. Ibi vnus ex Synodi ministris, in platea quadam vltra pontem Bernardinorum, à licitoribus castrensibus in adulterio captus, & in alieno habitu in arcem perductus est. Vis aliquid lepidum de fratribus vestris Anglicis Euangelicis audire. Tam sunt proiecti pudoris; tam sunt amici Castitatis & continentiae; vt eos non pudeat mulieres pro concione ad libidinem deligere. Cathedras enim ascendunt, modo non meretricia veste induti, lotiq; vnguētis, comptiq; crines. & vt forma placeret; oculos illiti. nec solum ornatu, & subcrispo capillo; sed impudentia quoq; mulieres imitantes, libidineq; calescentes, vagis oculis circumspiciunt, vasaq; sibi necessitatis (sic enim

enim appellant) in ipsis templis assignant. Sed nec per
urbium vicos & plateas vnquam transeunt; quin illis v-
biq; delecta sit ad libidinem mulier. Accipe exemplum, &
iniurato crede. Lecta est ante paucos annos in tribunali
Londinensi schedula per quendam ministrum, iudici Re-
gio; sed per errorem porrecta, (aliam enim ad causam per-
tinentem offerre decreuerat, quam in eodem sinu gesta-
bat) in ea cuidam mulieri narrabat, quam ardentem in il-
lam, dum concionaretur exarserit; quàm libenter oculos
ad eius formam adiecerit. & id genus amores suos præ-
dicabat, atq; ad libidinem sollicitabat. Huius autem la-
sciuiæ vehementer puduit Regiæ potentia administros,
nisi quod ita iam peruulgata est ministrorum impuden-
tia; vt nullus esse locus animaduersionis videatur. Qui
sit ergo, mi Actor, vt quam tui similes Euangelici in suis
ministris modestiam & grauitatem requirunt, tu eam in
Catholicis Sacerdotibus repræhendas! Si argumento
est Iesuitas ob vultus, & vestis modestiam Sycophantas
esse; tu, & Ministri vestri, qui sub crispo capillo, pictura-
ta manica, gladio ad latus, vultu, vesteq; vtimini penè mu-
liebri, prostituti pudoris homines censeamini necesse est.

*quod eos in Dei sanctorumq; cultu imitari dicis superbas, stultas,
atq; impudicas mulieres, quæ splendidius vestiri volunt quàm honestæ ma-
trone. & ea ratione oculos spectatorum in se conuertere, ac eorum cupidi-
tates inflammare.* Mome maledicentissime, putas te crepi-
dam Veneris Praxitelianæ damnare? Si Deum amares, si
maiestatem diuini numinis & quotidiana in genus huma-
num beneficia cum animo tuo reputares; nullus vnquā
tibi cultus, nullus ornatus, nullus splendor ad honorem
Dei collatus, fatis esse magnus videretur. Sed tua super-
bia ascendit semper. In cælum enim os tuum ponis: De-
um Patrum nostrorum per latus Iesuitarū repræhendis,
qui tabernaculum byssinum, vestes purpureas, templum
cedrinum, vasa aurea, quadrangulum præcioso lapide
distinctum; Sardio, Topazio, Smaragdo, Carbunculo
parari ad

parari ad honorem suum præcepit. Davidis quoq; auctoritatem eleuas, qui sibi laudi gloriæq; duxit, quod decorem domus Dei dilexerit. & Paulo notam iniustitiam inuris, qui omnia in Ecclesia Dei fieri vult ordinatè.

quod Iesuitas Gabaonitas vocas. Infatiabilis est maledicendi cupiditas. Sed hîc quoq; crede mihi, causæ tuæ sanguinem mittam. Nimis infans es in rebus Euangelicorû tuorum. Dicam ego tibi ex illorum sententia, qui sunt veri Gabaonitæ; Lutherani & Calviniani. Cum enim Trideistę surrexissent, (quorû in patria nostra Prothomagister Gregorius, Paulus Brzeziniensis Valentini Gentilis discipulus extitit) accusareq; Lutheranos simul & Calvinianos cœpissent, quòd quendam Deum Trinitatem colerent; quòd *ἑμοῶσιον* adorarent, quòd personas in Deo, naturas, Substantias, Hypostasies, processiones & emanationes præter scripturam & contra scripturam fingerent. Illi verò ipsa nomina his ipsis verbis scripta, ostendere accusatoribus suis in scripturis Canonicis non possent; ad Patres, Concilia, antiquitatem, vniuersitatem, receptum in omni Ecclesia sensum & consensum recurrerant, & illorum autoritate fidem Trinitatis defendebant. At Trideistæ; Vetusti sunt (dicebant) isti panni, quos vos primi lacerastis in aliis articulis fidei. Gabaonitarû sunt isti exoleti sacci, ytresq; obsoleti, & lacerata iam dudû calciamēta.

*quod Germaniæ incendium: Antuerpiæ direptionem: Angliæ Regi-
nâ renouatâ insidiis petitam: scotiæ Reginam indignissimo mortis ge-
nere sublatam Iesuitis tribuis: quasi omnibus in locis motus excitauerint,
clasticumq; cecinerint.* Tua sunt hæc, mi adolescens, non veritatis verba. Sed soluam & hoc. Graue est debere cui nolis. Accipe; Germaniam Lutherus & Pacimōtanus perturbauit; Galliam Calvinus & Beza, Flandriam Spangenbergius, Angliam Martyr & Bucerus, Scotiam Buchananus, Transyluaniam Blandrata, Poloniam Stan-
carus & Sarnicius. Si isti Iesuitæ fuerunt & non Iesuitarum hostes, & persecutores terribissimi, hoc primum erit in

omni tua actione verum verbum, quod dixisti. Ferendo, non inferendo iniurias ista Regna peruaferunt Iesuitæ. nec solum eam vim timuerunt nunquam, quæ ad corpus vitamq; peruenit; sed nec eam quæ periculo mortis infecto, animum formidine perterritum loco sæpè, & certo de statu dimouet. Non eos, crede mihi, rotæ vestræ, non radij, non vngulæ, non rotabula, non lebetes, non Castastæ, non Catapultæ, non frixoria, non digitoria, non pugillaria, non manus ferreæ, non subulæ, non succensoria, non ollæ æneæ, non sartago, non cruces, non scorpiones, non gladij, non equulei, non mille crudelitatis & acerbitatis genera (nil enim in vestra persecutione defuit, quod vel auribus, vel oculis posset terrorem incutere, quæ in theatro crudelitatum vestrarum, Liber Antuerpiensis ostendit) retardare potuerunt, quo minùs in obseruatione fixi consilij perdurarent, Deiq; vobis annunciarent voluntatem. Et tamen vobis vim fieri vociferamini, cum ubiq; ita eos enecatis, non odij solum, sed etiam ludibrij causa. vt & spatium crucibus deesse, & corporibus cruces videantur. Crocodili sunt istæ lachrymæ. Tollat te, qui non nouit.

Progredieris longius. & sapientissimum ac fortissimum Regem Stephanum ipsdem Gabaonitarum (Iesuitas intelligit) procellis & fluctibus ita abreptum vociferaris, vt nisi postea consiliũ & moderationem adhibuisset, cum Riga nobis & Rege Suetiæ, aut certè Dania bellum fuisset susceptum.

Aiacem te mente motum dixeram, futurum putans vt odium tuum in vniuersam Christi Ecclesiam solis Iesuitis flagellandis exsaturares; nunc te vocare ad pileum video etiam Reges. Fortè, sicut Ajax inter Græcos arietem vt Vlysses; sic tu inter orthodoxos, Regem tibi Stephanum, vt magni Gregis Ducem, calumniis & contumeliis vexandum suscepisti. Quo nomine vereor qui te non amauerit, ne lutulentum suum, qui etiam oderit, ne Cerberum tricipitem putet. Durum quod dolet vt non dolcat, ita tibi liber, cum omni mortalium genere volutari, ita

tari: ita volupe est ad omnia adlatrare. quamuis non est hic latratus; sed morsus. Non queo diutius linguæ tuæ procacitatem tolerare. Ipse quoq;

Iupiter, linguæ petulantis odit

Glorias.

Quamobrem vt Homerus loquitur;

Μοὶ δ' ἐγὼ ἀντίος εἶμι καὶ ἐὶ πρὸς χεῖρας ἔοικέν :

ἐὶ πρὸς χεῖρας ἔοικε, μένος δ' ἀίδεον σιδ' ἥρω.

Tibi ego contrarius vado & si igni manus similes essent :

si igni manus similes essent, robur autem ardenti ferro.

Tu furiis abreptus: tu fluctibus obrutus: Tu procellis implicatus: Tu Megaræ facibus accensus; Tu Cacodæmonis audaciâ armatus, audes notam incogitantis minimeq; meditati consilii ei Regi affingere, cui orbis vniuersus isto nostro seculo primas sapientiæ & fortitudinis partes tribuit? Audi Socolouium eius Academiæ, pro qua te pugnare simulas, olim alumnum & professorem; nunc vniuersæ patriæ præcipuum ornamentum, de Rege Stephano quasi omnium ore loquentem. Fuit ille in Ecclesia Dei plusquam sacerdos: in Repub. plusquam Rex: in exercitu plusquam Imperator: in acie plusquam miles, in iudicio plusquam Iurisconsultus: in dicendis sententiis, plusquam Senator: in aduersis ferendis, plusquam vir: in publica tuenda libertate plusquam ciuis: in amicitiiis colendis plusquam amicus: in conuictu, plusquam familiaris: in venatione plusquam Leo. Si sacerdotem procellis abreptum, si Regem fluctibus oppressum, si Imperatorem timidum; si Senatorem, consilij inopem; si virum, viribus carentem, Regem Stephanum putas; non contendam cum tua pertinaciâ. Facilius enim te, quisquis sapit à dæmone obsessum iudicabit, quàm Regem Stephanum, manu & consilio fortē negabit. Vtinam autem in animos minus obstinatos optimi Regis conatus incidissent. Rebellionis periculum denuncias, si sedem Iesuitæ Rigæ fixissent. Sed quid quæso te? Iesuitæ Ger-

dani fuerunt, cū Euangelici arma parricidialia in illum
ipsum Regem & dominum suum cōperunt? Quis ad eos
Iesuita, quis Monachus facem in ciuitatem intrulit? Quis
Episcopus ad rebellionem armauit? Id quidem tu non
solum de Sacerdote, sed ne de vilo Catholico homine
affirmare poteris, etiamsi sis impudentissimus. Euange-
lici fuerunt & qui suaserunt, & qui bellum susceperunt.
Nec enim fieri potest, *VT DEO REBELLES, REGI
SINT FIDELLES*. Aiunt Hosium Cardinalem sēpē dice-
re solitum: Qui non est Papista; non est Regista. De hæ-
reticis dixit olim Martianus, nō de Catholicis, quōd ma-
lè parent Regibus suis. Catholici Petro præceptore, &
bonis obedire consueuerunt & discolis. illorum bonita-
te ad consolationem vtuntur; istorū peruerfitate ad pro-
bationem. pro vtrisque Deum deprecantur. Quis Iesuita
Albertum in Prussia Principem in Regem Sigismundum
primum armauit? Quis Archiepiscopum Rigensem in Si-
gismundum secundum incendit? Nonne Euangelici Ma-
gistri & ministri? Quis turbas Derpati suscitauit? Quis
Moscos ad illius obsidionem, atq; ad totius Liuania vā-
stationem ē propriis sedibus exciuit? Nonne Wittem-
bergenfis ille pelliculus scelerati Magistri Lutheri pessimus
discipulus. Non Iesuitarum illa sunt; sed Euangelicorum
Epiphonemata: Euangelium sitit sanguinem. Et illud;
Venit tempus, cū sacrificium Deo placatum fieret ex ca-
pitibus Monachorum bibere. Addam aliquid de Scotia.
Ministri fuerunt Hæretici, non Iesuitæ Catholici, qui Re-
gem & Reginam domi cōsilio, foris; omnibus castris &
armis oppugnarunt, qui publicè decretis eorum in foro
Edenburgenfi restiterunt. Vis nomina ædam? Robertus
Pontus, & Gualterus Bacanquelus à Iacobo Lausonio ir-
ritati. Ministri fuerunt in Flandria toti terrarum orbi
conspiciendi, qui legitimæ potestati resistendum docue-
runt. Ministri in Gallia, qui in cōcedem Regis & Reginæ
succariorum manus armauerunt & audaciam aluerunt.
Scis quid

Scis quid factum de Riga, deq; Dantisco fuisset, si quid ibi Iesuitæ potuissent. Non ex triente aut quincunce, sed Regio suo iure Rex in eos vteretur. Non ex semisse vel do-drante, sed ex asse ciuitates illas possideremus.

quod tumultus vlnenses, perturbationumq; procellas, & ciuium atq; nobilium concursus ad præliū cōmittendum, à Iesuitis suscitatas memoras.

Hoc nemo alius, Deum timens dixit vnquam, præter te. Sed video quid velles. Euāgelicis in Catholicos grassandi sæuendiq; liberam potestatem; Catholicis ne proprii quidem tuendi capitis facultatem relictam, velles.

Ais deinde : *conspiratione facta, cuius Iesuitæ autores atq; duces extiterunt, magna vi atq; impetu in eam domum irruunt (catholici) quæ una in tota vrbe monumentum antiquitatis extat Lutheranis concessa, Rege atq; omnibus Senatoribus approbantibus.*

Ἄλγεϊδν μὴ ψεύδε, ἐπιστάμεος σάφα εἰπεῖν.

Atride (Homericum est) ne mentiāris cum possis vera dicere.

O indolem impurissimam, (Modestè, non vt meritis es ago tecum adolescens. Nam si tibi tuiq; similibus Euāgelicis irascendum esset, non irascendum, sed insanendum esset) vt animū fartum calumniis exonerare cupis? vt mentem mendacijs prægnantem excutere? Equidem ita promptus & acutus es, ad omnes calumnias omnibus vestigiis persequendas, vt abs te nil aliud expectemus, quàm vt affirmes Iesuitas in paradiso serpenti persuasisse, vt Euam seducerent : aut Pilato authores extitisse, Christum vt in Crucem ageret. Quæ est per Deum hæc tanta calumniandi libido? Quæ lacerandæ famæ cupiditas? quod intorquendarum calumniarum desiderium? Iam vereor, ne & Græcis adfuisse dicas Iesuitas, cum Helenam raperent. Nimium sapis Monocule. Nimium sapere, nimium malum est. Si bonus patriæ tuæ ciuis esses, pacis amans & quietis Reipub. vulnera non refricares. Optima enim ciuilis belli defensio; obliuio est. Nemo carus furorem illum populi, nemo vim illatam, nemo flammam immixtas probauit : legum & Regum vinculis ac legitimi

Magistratus autoritate cohiberi illa vestra audacia debuit, qua vobis fas iusque esse voluistis, ipsius Regni statutis prohibita conuenticula agere. Templum contra templum, altare contra altare, cathedram falsitatis contra Cathedram veritatis erigere. quam poenam, vobis nouatoribus Regni statuta irrogant, iam diximus. Extat illa sancta Confoederatio Corczinensis, in qua sese Rex & Senatus & vniuersa Nobilitas obstringit, contra talem, siue tales insurgere ad eorum destructionem, qui errores haereticos in Regno fouere aut manu tenere cuperent. Sed hoc iam ante dictum est. Si Rex, si Senatus, si Equites ad istorum destructionem insurrexissent; plebs non insurrexisset. Sed Sacerdotum est Dei aperire mysteria. Voluit hic quoque Dominus infirma mundi eligere, vt confundat fortia. Voluit ex ore infantium & lactentium laudem suam perficere. qui si & ipsi tacuissent, lapides locuti fuissent, aut suo se quisque loco & ordine mouisset. Sic Dauidi à cæde Goliati reuertenti, non equitum turmae; sed muliercularum agmina occurrerunt gratulantium & acclamantium; Saul occidit mille & Dauid decem millia. Sic Hierosolymam ingredienti Christo, non Principes Sacerdotum, non Scribae & Pharisei; sed pueri Hebraeorum occinebant in via; Osanna filio Dauid. Benedictus qui venit in nomine Domini. Sed non est huius tempus sermonis, nec tu diuina potes per ætatis tyrocinium, mente & animo percipere mysteria. Non proiciam Margaritas ante porcos. Tua hæc esse aio, non veritatis verba, istiusmodi fulmina à Iesuitico esse nomine profecta. Sed in eo quoque vehementer erras, quod nulla vnquam ante aduentum Iesuitarum talia pericula, ciuibz nostris acciderint. Infantem te dixi; nunc in patria hospitem, & peregrinum affirmo. Nam si ætates & tempora diligenti studio persecutus fuisses, quod dicis non diceres. Vbi gentium fuerunt Iesuitæ, cum Academiæ Cracouiensis studiosi, in Luteranorum cuneos, in Ducali domo,

domo, vt vocant, Deum blasphemantes irruerant: cū extincti Hæretici cadauer ad sepulturam deportati excusserant: cum Arrianorum Synagogam vexauerant, libros impios diripuerant: cū Euangelicorum cadauera exhumata escam volatilibus cœli obiecerunt. Hic profectò effugium inuenies nullum, quàm vt ipsos Academic Cracouiensis Professores flabella seditionum appelles, & earum quas ego commemoro, tu ignorabas turbarum & seditionum incentores. Sed ego te docebo adolescens: Neminem esse tibi putes amicum cui tu non es. Vos autem Euangelici cū sitis omnibus erroribus amici, non potestis non esse nisi solis non errantibus inimici. Miror profectò, ne etiam vngues à natura Leoni datos gaudeatis, vt offendant: manūs homini attributas doleatis; vt defendant. Sed nouum non est Euangelicis, rerum & naturarum ordinem peruertere.

Arma ad extremū irritas, classicumq; canis, cū ais; *Erant quoq; maiores nostri catholici, & tamen arma contra illos Iesuitas cruciferos sumpserant, & eos omni ratione persequendos existimabant, Summo Pontifice repugnante, & eius Legatis resistentibus.*

Iam te, video Veritas. iam, vox & ratio, & ipsa deficit oratio. Arma expedis, quando desunt argumenta. Pacem suades, bellum moliris. Altera manu panem; altera tenes lapidem. Id scilicet solenne est Euangelicis Hyppocentauris, cū ratione destituuntur, acre ferrum stringere. vel potius ommissa ratione, manum armis admouere. At tu *μυρμικίας δε νὶ πρὸς λέων βρυχωρ.* Formica sanè es, rugias licet vt leo. Narro tibi non fore vobis difficile non repugnantes vincere: Arma Iesuitarum spiritualia sunt, non carnalia. Hoc tamen moneo. Facilius fore Iesuitas perdere quàm vincere. Sed quam tantam acerbitatis causam præbuerunt? *Quia, inquis, maiores nostri arma in cruciferos sumpserant, & exiguum sit discrimen inter cruciferos & Iesuitas: inter crucem & Iesum. crux enim & Iesus, eandem propemodum vim habent pietatis & modeste religionis.*

Sanus

Sanusne es? Vigilasne? Mimi ne, an Oratoris personam sustines? Ludibundus ut video de sanguine civium decernis, plane Syllano more. vel sicut olim Herodias in conuiuio petens caput Ioannis Baptistae. Arma in Cruciferos maiores nostri sumpserunt: Quia scilicet Cruciferi maiores nostros armis appetuerunt: castris oppugnarunt, vrbes exciderunt, agros depopulati sunt, nec ipsos vnquam Reges nostros, pace & ocio frui permiserunt. Id si faciunt Iesuitae, ad belli me societatem, pro patriae salute adiungam: signa si voles praferam, calonis etiam munere & officio defungi non dubitabo; dum à civium ceruicibus extrema pericula depellantur.

De Hispanica monarchia, de Religionis custodia, de Regis catholici crudelitate (sic enim tibi libet blaterare) de misera hominum illorum conditione quae ais. Tu, ut video, scapularum agis confidentia. Moneo te ut caueas, ne Cantaber aliquis audiat, & perticam quaerat. Postquam tuae scapulae virgarum vim virtutemque contempserunt, libenter illi relinquam refurandi, stringendi que tui negotium. Iniquum puto aliis vacare bellis, cum patria vastatur. Te verò valde miserum statuo, cum re, tum hoc ipso; quod non sentis quam miser sis. Si Catholicus esses; & Regis Catholici zelum probares, & Inquisitionis necessitatem intelligeres, & subditorum obedientiam, felicitatem potius, quam miseram vitae conditionem vocares. Felix enim (ait Augustinus) necessitas est, quae compellit ad meliora. Sed te ita longè abripit furoris tui & iracundiae impetus, ut cum verum gloriæ iter non teneas; Catholicorum Regum & Principum dignitatem & maiestatem, probis & conuitiis vexare gloriosum putes. At nihil profectò aliud assequeris; quam ut qui haec tua legerint, audiuerint, cognouerint; hominem te existiment improbum, conuiuiatorem, maledicum, & ut impurum detractorem detestentur. non virtute & rebus gestis; sed sola linguae petulantia, mentiendi libidine, & dicacitate scurra digna, laudem & nomen quarentem.

Sed si

Sed si Hispanos improbas, quòd Christo & Regi fident
seruent, quòd obsequentes & morigeri viuant; Gallos
certè & Flandros probabis, bella ex bellis serentes, qui-
bus semper cōtentio grata πολέμοιτε μάχαιτε, bellaq; pu-
gnāq; vt ait Homerus. Sed à minis accedis ad verbera,
machinasq; muris admoues: & velut ad festorum quan-
dam solennitatem; sic accedis ad praelia. Equidem lu-
dere te paulò ante dixeram; nunc video decretum est,
omnia adijcere vastitati.

Ais enim: *video vos tantis sumptibus, tam firmā palatia, praesidia
& propugnacula erigere; quæ vos Monasteria appellatis, quæ si rerè vt
sunt nominari debeant; Domicilia scelerum omnium atq; receptacula ap-
pellari possint.* Tu tuam affirmationem pro fide veritatis ha-
beri vis; ego impotentis animi argumenta, imò cubilia
immortalis odij statuo. Domakus es (vt patriæ nostræ
verbum habet) procacissime Adolescens. Latinam enim
& vrbānam appellationem; barbara tua & inurbana, in-
solens & inhumana actio non meretur.

Posnaniensem tu domum, arcem munitissimam pu-
ras. Iaroslauense & Lublinense ædificium eiusmodi mu-
nitionem, tantorumq; praesidiorum arces appellas, vt
non scholasticos docere: aut muliercularum peccata co-
gnoscere, sed bellum gerere velle videatur. Tu quidem
certamen suscepisse videris, vt in singulis periodis impu-
dentissimo impudentior videaris. atq; ita nequitiam vt
virtutem ostendere contendis. Quid dicerēs? quæ ver-
borum fulmina nō mitteres? si Olomucense Collegium,
si Augustanum, si Romanum, si Hispanica, si Lusitanica
Collegia, si Goanas & Mexicanas domos inspexisses.
Non illi praesidia, non propugnacula erigunt recipiendis
hostibus idonea; (proditio enim & dubia fides quorum
esse propria consuevit, iam ostensum est) sed domicilia
parant ad eas quas profitentur litteras accommodata, &
iis quos erudiendos suscipiunt, nobilissimis adolescen-
tibus consentanea. ad temporis diuturnitatem firma, &

stabilia, & ad ignis & incendij pericula fugienda, latericia,
Non enim in illis heri, quod aiunt, & nudius tertius na-
tas fides docent, aut eas quæ cum suis autoribus interi-
tum subeunt; (vt subiit Luterana, Muntzerana, Pacimon-
tana, & id genus perfidia) sed quæ ea promissione nitun-
tur, quam Petro Christus fecisse legitur, cum dixit; Ego
rogabo Patrem, vt non deficiat fides tua. Aeternæ fidei
æterna sunt, aut saltem diuturna domicilia statuenda.
qualia statuerunt maiores nostri, optimi & sapientissimi
viri, quoties Tempia, Collegia, Monasteria, Cœnobia,
Xenodochia, & id genus pietatis & necessitatis domici-
lia à fundamentis erexerunt. quibus tu profectò, non bo-
nam gratiam habes; si piam eorum æmulationem repræ-
hendis, qui maiorum zelum & exemplum imitantur. Te
moneo vt memineris, quam sis insolentis dicti tui ratio-
nem allaturus, cum te Nobilissimi Equites Lublinensis
Collegij autores; Macieiouij, Zebrzidouij, Tencziniij, a-
pud fustitudinas, & ferricrepidinas insulas ad virgas &
laqueos postulabunt, aut ad adsint ad suspendium.

*Quod verò illa ipsa quæ ædificant collegia, & monasteria (tu Palatia
& propugnacula vocas) domicilia scelerum omnium atq; flagitiorum re-
ceptacula appellas.*

Quid iam faciam tibi; vel quid non
Faciam! (ait noster Poeta Leopoliens Simonides)

*Ægrotem potius quàm ægrotos
curem: simplicior enim hæc labes.
Doleas si ægrotes, si ægroto ad sis
Et menti dolor & manibus labor.*

Collegia Iesuitarum scelerum sunt domicilia? Colle-
gia Iesuitarum sunt flagitiorum receptacula? Cinæ de ca-
lamistrata: Frons meretricis facta est tibi. (Malo crudelis
in animaduertendo; quàm in prætermittendo dissolutus
videri) ne in tam quidem aperta & manifesta calumnia
potuisti erubescere? Merito te viperarum progeniem ap-
pellabo, ingratam in parentes, & benefacta malefactis
rependen-

repndentem. Os impudens, non es mentitus hominibus; sed Deo, qui in his domibus & collegiis piè colitur. Possunt ne esse Domicilia scelerum, vbi quotidianis precibus numen diuinum placatur, vbi lachrymæ funduntur, vbi ieiunia exercentur, vbi cilicia, vbi flagella, vbi humi cubationes, vbi meditationes, vbi lectiones, vbi conciones, vbi confessions, vbi sacrae Eucharistiæ quotidianæ sunt distributiones? Possunt ne esse flagitiorum receptacula, vbi in horas prope singulas fiunt conscientiarum examina, vbi silentij custodia, vbi temporis parsimonia, vbi verbum ociosum exulat; sed omnia pietas, humilitas, & mansuetudo, ac super omnia timor Domini occupat. Si cupiditatum carnificinam, si flagitiorum pestem, si frenum furoris, si iuuentutis cippus, si mortem cupiditatum & lasciuiarum omnium, Iesuitarum domos dixisses; parum dixisses. Si itaq; calumniarum artifex, si mendaciorum architectus, si conuictorum faber, si totius pietatis & modestiæ hostis teterrimus vocari nō vis; æde scelerum & flagitiorum exempla, profer autorum nomina, nota loca, signa tempora. Id quidem fat scio tu præstare nunquam poteris, vnde consequens est, vt omnium ab omnibus mendaciorum & calumniarum pater, mater, frater, faber, sator, artifex & opifex habearis. Equidem dubito ne tu fueris illius fabulæ Protomagister, quæ Poloniam vniuersam & ipsam etiam Germaniam peruagata est; Captos fuisse Cracouiæ Iesuitas in crimine pessimo, & in medio foro igne emendatos, optimi & sapientissimi Regis Stephani imperio. At fabula cito in spongiam incubuit, & conficta criminatio apparuit. Extant ea de re impressæ Archiepiscopi Moguntini ad Stephanum Regem litteræ, & eius responsum.

Quod ais; *Iesuitas Hispano Regi diuinis cultus tribuere, præsertim si eo accedat Papæ autoritas.* Falsum est. neq; tu id à quoquam vnquam vsquam fictum neq; pictum, neq; scriptum ostēdes. Sciunt Iesuitæ & in omnibus scholis suis docent;

esse quendam Deo soli debitum cultum, quem Iatriam Græci vocant, & alium qui mortalibus quoq; sine diuini numinis offensione tribuitur, quem *Θουλεία* appellāt. Huius generis cultum Regi suo tanquam præcellenti tribuunt, vt illud quod Apostolus præcipit impleant. Deum timete, Regem honorificate. & cui honorem; honorem. cui tributum, tributum. Sed Ecclesiæ mysteria, factaq; Dei narrare auribus indignis horresco. At quàm tibi volupe est; Principibus Christianis allatrare; omnes ex omni parte carpere, mordere, suggillare, quod furentis & rabiosi Cerberi esse proprium diximus. Papæ ne suam autoritatem adhibebit; vt diuini cultus Hispaniarum Regi tribuantur? At ille ne sibi quidem istiusmodi honores debitos putat; sed Deo soli tribuendos iudicat. Augustinus cerrè proprium ac soli Deo debitum cultum vocat *SACRIFICIUM* adcò vt qui vnquam Principes sibi sacrificare iusserunt, per hoc se Deos haberi voluerunt. Si ostenderis itaq; quis vnquam non dico Iesuitarum, sed qui vnquam fuerunt mortalium, qui vel Papæ vel Regi Hispano sacrificauit; te à veritate contra falsitatem stare pronuntiabo. Quòd multa in hoc genere præteris, bene facis. Te labore; me molestia leuas. Non ita, crede mihi, scribis; vt timeamus ne desinas. Nil enim aliud agis, quàm loquens laceras diem.

Admones deinde senatores, vt meminerint. Hispaniarum Regem non longo à nobis interuallo esse remotum. Antuerpiam à Dantisco sex dierum itinere abesse, ficus ex hostico recentes importari, & Hispanica poma maioribus nostris incognita, cæterasq; Hispanicas et Italicas delicias in promptu haberi. Certè tu non existimasti probare te posse, tui similibus quòd esses hostis Ecclesiæ Catholicæ, nisi Regi quoq; Catholico esses inimicus. Rectè dixit quidam; Euangelicorum sectam non odissem, nisi tam turpes animos in quibus habitaret, eligeret.

Amator patriæ, vindex libertatis, custos legum, spes vnica Reipub: quàm tibi volupe est, non solùm Iesuitas, sed omnes

sed omnes etiam Reges & Leges, omnia in vniuersum Re-
gna & Prouincias, dente canino lacerare? Tu quidem
videri vis, quasi saluam Rempub. cupias. Ego verò amif-
sam puto, cum vulneribus suis, tum his consiliis & me-
dicamentis, quæ isto tuo zelo pietateq; parantur. Vti-
nam non maius esset patriæ nostræ periculum à tuis E-
uangelicis Regum & legum euersoribus, qui flam-
mas omnibus imperiis quoquo se vertūt inferunt: imma,
summis paria faciunt: & tantò nocent efficacius; quantò
licentiùs, & liberiùs per omnes Reipub. partes perua-
gantur. Scit infœlix Gallia, experta est Flandria: tota
ab istis euersa iacet Anglia. Sed cur Turcas & Scytas
præteris? An ab illorum potentia nullum periculū per-
timescendum putas? An vnus ex illis es, qui cum barba-
rorum illa colluie fœderis societate contra capita Chri-
stianorum inierunt? aut fortè Bizanti in illius comitatu
fuiſti, qui Bassæ persuadere conatus est; Euangelicorum
fidem non maximo interuallo à Turcico Alcorano dissi-
dere, eorumq; esse castris & armis muniendam? Non te
latere potest; Euangelicos fuisse, qui in Comitibus, quæ
prætereo, particularibus Contributionem ad bellum Tur-
cicum conferendam negauerunt, ne quid contra sociorū
& confœderatorū fidem facerent. Iam autem ostensum
à nobis est, quanta sit fidei, religionisq; inter Euangelicos
& Alcoranicos consensio. Verum profectò dixit, qui vos
Turcarum præcursores, seu anteambulones appellauit.

*Carpis deinde quendam plenis velis in Suetiam properantem. Alium
sexaginta milliaria tribus diebus emetientem. Accusas etiā pacificationem
sibi non traditam sumentem. Id quidem tu tanta confidentia
exaggeras, vt imperitorum inscitiam tua cauillatione de-
cipias, tibiq; persuades ex his tuis laqueis non euafuros
Iesuitas, etiamsi pennas sumerent. At non est difficile
diuinare quos intelligas. Sed tu profectò nondum videris
esse assecutus, vel Obedientiæ vim, vel quantam in re-
bus gerendis habeat vtilitatem celeritas. Tibi enim diei*

fortasse breuitas conuiuiis; noctis longitudo stupris; & flagitiis conteritur. Nescis Bernardum sanctissimum, cœcam obedientiam à religiosis viris requirere, ne curiosius rimentur cum mittuntur, quæ sint locorum interualla; alterum an istum quem nouimus orbem adire sit necesse: Alpes superare, an Oceanum emetiri, syluas an flumina præteruehi. Fideles sint an infideles: Christiani an Pagani: Schismatici an Hæretici, ad quos eundem est populi. Quò vocat periclitantis salus, quò vrget Christiana charitas, quò Reipub. necessitas impellit, quocunq; mittit legitima potestatis autoritas, infracto eunt animo, nec piratas, nec prædones, nec vrsos, nec leones occurrentes pertimescunt. Si tibi scelus; si vitium est Obedientia; si diligentia, si celeritas, si robur animi, si periculorum contemptio, non contendam cum tua pertinacia. Bache Bachanti, si velis aduersarier (ait ille) ex insana insaniorem facies. Profectò si tu vnquam rectè obedire didicisses, si proximi commodis & vtilitatibus mouerere; meliùs nunc posses his cupiditatibus imperare, quæ te transuersum agunt, deq; statu mentis dimouent, vt virtutem, vitium; obedientiam; infamiam, celeritatem; leuitatem putes.

Illud verò quod addis quendam sibi non traditam pacificationem sum-
psisse. Calumnia est. Extant mittentis & præcipientis litteræ, possunt codicilli proferri, obsignatæ tabulæ ostendentur, si pertinax esse perseveraueris.

De libello contumeliis & maledictis in gentem nostram pleno; Tu ais; Ego nego. Tu te non explicas; ego non assequor quid repræhendas, nec ex quo te errore eruam. Scio magnam à Iesuitis adhiberi cautionem in libris ædendis, & quicquid in lucem proferendum est, per manus intelligentissimorum hominum, qui iudicii maturitate excellent peruagari, omniumq; ponderum examine ad libram reuocari consueuisse. Sed si patieris me diuinare quid intelligas, Volani tu fortasse Zuinglio Caluinistica succiplenæ cœnæ structoris & pharmacopolæ Lituanici libellum

bellum contra Eucharistiam a ditū intelligis. quem cū inter Nobiles ad bellum Moscicum coeūtes spargeret, zelantissimus Rex Stephanus, audaciam Autoris de-
status, in familiari sermone cum eo, quem non nominas doctissimo zelantissimoq; Sacerdote, cupere se ostendit; vt breui libello, quinam esset eius, de qua agebatur, Controuersiae status ostenderet; & antidotum sparsō veneno obiceret. id quod sine mora factum. Responsum Rex optimus approbavit; tu contumeliis & maledictis plenū asseris. Sed alia in hoc genere inferius persequemur.

Quod delicatē & suauiter viuant: magnos sibi deberi honores existimant. Magnifici appellari cupiant: omnibus artibus multa praedia colligāt, & oppida exigant: Regni senatores opibus superent: eosq; non tantum contemnere, verum iam ad eādem quosdam & animo & oculis suis & libellis designare incipiant.

Ne mihi, ne quāso hac in

turba, exsensos sermones fere;

qui te mentis captum infament.

Magna certē est hāc mendaciorū farrago. Adōlescētia tua libidinosa, & intemperās hāc te venena cogit fundere, & certē qui semel fines modestiae est praetergressus; eum gnauiter esse oportet impudentem. Ad singula breuissime respondebo, & ea erit, crede mihi, ex omni aeternitate fluens veritas. Si mensas eorum aliquando, si contubernia, si victus rationem oculis ipse tuis inspexisses; aliter sentires. Delicias illi, voluptatesq; vt maleficia vitant. Corpus abstergere mundicijs, probro ducunt. Amictus cultusq; corporis, omnibus in vniuersum par est; cū verō non mutant, nisi vsu longo vetustateq; consumptum. Ad coenaculum tanquam ad templum conueniūt, vbi gustare quicquam fas cuiquam non est, nisi prius oratione expientur. Cum silentio autem residentibus, condimenti loco lectio sacra recitatur, edendi verō potandiq; modus, non saturitate sed necessitate definitur. Alimentis enim vtuntur vt medicamentis. Binis; ad sum-

mum

num ternis ferculis famem frangunt. In fine refectio-
nis vota repetunt. Noctis partem quam tu Veneri &
Libero deberi arbitraris, votis & orationibus tribu-
unt. Asperiores autem in victu, vestitu, lectuloq; legem
ordinariam propterea nullam statuunt; vt omni homi-
num generi, ætati, naturæ, valetudini, tanquam quædam
communis & æquabilis viuendi ratio sit proposita, ob-
seruatione facilis. Iracundiæ moderantur, indignatio-
nem cohibent, quod quis inter eos dixerit: iureiurando
fortius habent, iusiurandum verò, periurio deterius vitat.
Mendacij condemnatum arbitrantur; cui sine Deo non
creditur. Qui cæteris præfunt; rem indignam Christi
seruo arbitrantur, abuti viribus potestatis, ad contume-
liam subiectorum. Sed neq; veste, aut ambizioso ornatu
reliquis eminent. Depræhensos in peccatis, & spe emen-
dationis destitutos, à sua congregatione repellunt. & qui
fuerint ad eum modum reliquorum calculis condemna-
ti, infelicem vt plurimum vitam agunt; aut indigna mor-
te consumuntur. Id si putas suauiter delicateq; viuere, ne-
scio quo nomine luxum, quo dissuuium, appellabis. Velles
fortasse vt sicut Bonziji Iapponensium Deorum, sacrificuli
papyracea tunica tecti, cum descripta Amidæ vita æta-
tem agerent, aut vt Synarum Hoxiones Chiam calidam
haurirent. vel sicut Brasilienses carbonibus subiectis in
extensa reti cubarent: vel vt Deruisæ Turcici itigmata
sibi inurerent, aut acutis nouaculis corpus frustatim
discinderent.

*Ais: quod magnos sibi honores deberi existimant, & Magnifici
appellari cupiunt; Ostende mihi Iesuitam honoribus aut di-
gnitate eminentem Cardinalem, Episcopum, Abbatem,
Canonicum, & id genus. Ego tibi ostendam, leges eorum
fixas, quibus sibi scientes & volentes viam intercluserunt
ad omnes honorum & dignitatum gradus, etiam sponte
oblato. De Magnifici titulo apparet te versatum inter
illos non fuisse. Patres & Fratres illi se inuicem & Socios*
non

non Magnificos appellant. Magnus enim cuiq; honor est integritas sua.

Ais; omnibus artibus multa prædia colligunt, opibus eminent.

Ne tu Codrus omnium egentissimus videris, qui decem aut duodecim prædia, in tanta Regni vastitate à piis attributa, multa vocas: è quorum redditibus puto viuunt non minus personæ 350. Cur etiam Apostolos non acculas, quòd precia possessionum ad pedes proiecta receperunt? Cur non eodem Apostolorum Principem condemnas crimine, quòd ob fraudatum premium; maritum morte multauit & coniugem? Quod præterea addis, quosdā Senatores ad cædem designasse animo & oculis; nondum te ita puto effrontem & impudentem, vt de cæde corporis intelligas. Si cædem errorum: Schismatum, hæresum, nequitiae & impuritatis intelligis; Herbam trado, tecūq; pronuncio, eos ad eiusmodi cædem non Senatores tantum, sed omnes in vniuersum mortales designasse. vt erroribus omnibus extremam mortiferam plagam imponant; & omnis impietas sempiternum interitum subeat. Sed in eo quoq; toto, quod aiunt, cælo erras; quòd putas nobilissimas Regni familias turpi ignominia notatas, quòd ex illis nonnulli malunt inter Monachos, vt ais, quàm inter Nobiles Patricios viuere. Quæ quæso te res? quæ spes? qui animi motus ad hæc dicenda incitat? Nil vt video prætermittis, vt ineptissimus videare. Auxerunt illi suam familiæq; suæ dignitatem, non minuerunt, cum sese in summi Regis obsequium tradiderunt. Quæso te, Matthæus illis suis opibus & illa sua dignitate relicta Christo se adiungēs, auxit ne an minuit dignitatē? Iozaphat regno relicto, vllamne ignominiae notam subiit? Vos appello Nobilissimi Equites Rozræuñ, vos Varsëuicij, vos Visocij, vos Kostka, vos Melecij, vos Radzimiñ, vos Gawronscij, qui studia vestra soli Christo dedicastis, qui nomina vestra inter Iesuitas retulistis, mentem huic Equiti impetrate meliorem. Profectò is terrenos

Reges, & Principes Deo omnipotenti præferendos putat, ita. vt laudes & præmia consequatur & familiam illustret, qui Regi; vituperium autem, ignominiam, turpitudinem subeat qui Deo soli se addixerit. Caue ne tibi infamiae actionem Nobilissime familiae intentent, aut ad poenam talionis (penè dixeram Tantalì, quam sat scio adolescentiae tuae futuram fuisse grauissimam) condemneris. Non erit tibi difficile, ob tua mendacia, conuitia, maledicta, infamiae notam inurere, & ignobilem, si modo is es quem teipsum facis, pronunciare, & è Regni finibus ad exilium condemnare. nil enim te prorsus delectare videtur, quod aut per naturam fas sit; aut per leges liceat. Sed spero, vt primum per ætatem iudicium facere poteris, aliter senties.

Garris præterea cùm ais; *sacerdotes atate & morbo cōfectos, sedibus suis eiectos: villas Parochorum ereptas: Nobiles exterminatos: opimas & fertiles Ruthenia partes inuasas, viduas bona relinquere coactas, heredes patrimonio priuatos, patriam violatam.*

Ad hæc tua tam crassa mendacia præ dolore, oculum, crede mihi, lachryma perpluit. ita me piget pudetq; stultitiæ temeritatisq; tuæ.

Sed si hæc omnia quæ dicis, ita vt dicis, patrant & designant Iesuitæ, cùm ita sis in calumniis iaciendis intemperantissimus; puto non futurum te fuisse temperantiorum, in tam multis & acerbis iniuriis à sociorum capitibus depellendis. Ferrum primus fringeres, clientelas cogeres, omnia in oppressores Iesuitas armares. Paulò ante libellum æditum dolebas, plenum contumeliarum in gentem nostram, ex quo exterarum nationum homines, existimare possint, nullam in patria nostra esse pietatem, nullam rationem, nullam virtutem, nullum ordinem. At quid te teipso esse potest in tuam patriam contumeliosius? in qua ais, vim viris, vim fœminis, vim viduis, vim pupillis, vim liberis, vim hæredibus, vim Parochis, vim Sacerdotibus sine freno furoris inferri. Ali-

ter res

ter res ipsa, aliter per Dei gratiam loquitur veritas. Mihi
quidem istum concursum plorantium, ac tempestatem
publicarum querelarum videre nunquam licuit. Adest
Rex Serenissimus Sigismundus Princeps, Deum timens
(maiores Principis laudem non inuenio) innocentium
omnium & viduarum & pupillorum, tutorum & Sacer-
dorum acerrimus defensor. Adest sapientissimus Sena-
tus, fixa sunt tribunalia, patent subsellia, libera sunt iu-
dicia, neq; tamen in illis actiones vllæ de vi, & iniuria
lesuitis intentatæ audiuntur, non leguntur, non viden-
tur. Quæ te res purum purum calumniatorem & conui-
tiatorem conuincit; & patriam vniuersam ea quam illi
affingis nota liberat. Cur enim secures datæ? Cur exci-
tata tribunalia? cur præsidet iudex? cur carcer ædifica-
tus? cur tot supplicia in raptos & oppressores confri-
tuta? Aliter viri boni tibi dissimiles, de statu & conditio-
ne patriæ nostræ loquuntur. Est in ea (sit Dominus be-
nedictus) iustitiæ locus: sunt virtuti præmia proposita:
sunt descriptæ sceleribus pœnæ: est sui Senatus similis.
In deliberationibus centum; in sententiis vnum videres:
stant fixæ maiorum nostrorum leges: Iudicum integri-
tas incorrupta: distrahendarum controuersiarum ratio
expedita: libertas in dicendis sententiis impunita: sce-
lerum animaduersio parata, verborum lenocinia suspe-
cta, ambitionis studia languida, pecuniæ sitis moderata,
pactorum & Conuentorum fides maxima; Amicorum
inter amicos consensio fidissima; inimicitia mortales,
Amicitia immortales, similitudines remissæ, bona fide re-
ditur in gratiam, Coniurationis, proditiōis, veneni no-
mina prodigij loco ducuntur. Populi in vniuersum, na-
tura fortes, armis nati, & simplicis veritatis amici. nec
aliam ob rem fortasse infœlicitate digni, quàm quòd
Euangelicorum progeniem, qua perturbantur ac modo
non eueruntur omnia in patriæ visceribus, tolerant. Nisi
enim vos essetis Euangelici, qui patriæ pacem, Regni

Maieſtatem, Regis authoritarem, iudicum integritatē audacia & impudentia veſtra perderetis; integra Deo, ſalua Eccleſiæ, tuta Reipub. eſſent omnia.

Ais deinde; ſtephanus Rex adiurauit ſe omni ratione pacem eſſe conſeruaturum inter eos, quorum in religione ſunt diſcrepantes ſententiæ, quamobrē igitur homines noui & peregrini in regnū noſtrū ſunt recepti?

Equidem apparet multas te in Euangelicorum ſcholis ferulas contriuiſſe: ita omnes illorum artes perbibifti, vt ſcurras omnes dicacitate tua ſuperare voluiſſe videaris. Iam de reliqua noſtra cogitatione cognoſce. Solenne eſt Euangelicis ex ſcriptura non ſcripturam; ex non ſcriptura ſcripturam facere. Tu quas vis, quaſq; libet leges in patria fixas eſſe vis, quas non libet iugulas. Corczi-nenſem illam Conſœderationem ſanctiſſimam, qua vos hæretici ad cœdem & deſtructionem poſtulamini, vt Macedonum caſtra refugis: & quicquid illud eſt, quod de pace Religionis apud Warſzauiam Interregni tempore ſcriptum eſt, ſanctum eſſe iubes. At nos dicimus, illam quam vos Conſœderationem vocatis, magis iratorum hominum ſtudia, quàm conſtans Senatus conſiliū fuiſſe. An non audiuiſti, qui contra illam Orthodoxorum ſtre-pitus, qui Eccleſiaſticorum fremitus, quæ Maſouiorum Catholicifſimorum proteſtationes & denunciationes extiterunt? Vidimus in Comitibus Coronationis eius quæ nobis ſœliciſſimè imperat, Sigismundi tertij Regis potentifſimi multorum Senatorum manus. Vidimus eorū Nunciorum, quos terreſtres vocamus, ex decem Regni Prouincijs ſeu Palatinatibus ſubſcriptiones, quibus ſe pro antiquis patriæ legibus, contra Conſœderationem illam nouam, Interregni tempore, ſublato metu poteſtatis, contra omnes leges, (ſic enim dicebant) & quaſi capta Republica, caſtris & armis tentatam, incifam per vim, impoſitam per audaciam, nullo ſcriptā more, ſtare profitebantur. Sed patiare me hoc tempore in tuam ſententiam deſcendere. Si pax eſſe debet omnibus Lutericolis
& Calui-

& Caluinicolis & Volanicolis, & Biesagicolis, & Budne-
 icolis, & aliis similibus quos colitis idolis. Cur pax esse
 non debet Christicolis Iesuitis? Si patet accessus exter-
 nis non hominibus, sed hominum monstris, Strancaris,
 Ochinis, Lismaninis, Vigandis, Blandratis, Socinis, Ri-
 baldis, & nescio quibus Caluini & Bezae Helueticis Sy-
 nagonistis, quos se in patriam submisisse gloriantur, quos
 certè nō solum religionis iudices, sed nec socios ad epu-
 las, nec hospites in domo habere quisquam vellet, scele-
 rum magnitudine, & conscientia maleficiorum cooper-
 tos; cur non debuit patere viris optimis & doctissimis,
 Sonnierio Hispano, Arturo Anglo, Campano Italo, Ro-
 berto Scoto, Stephano Vngaro Societatis eius quam di-
 laudas (vituperari enim Catholicum ab Haretico laus
 est) Sacerdotibus? Illi sunt, crede mihi, non enim te fal-
 lo. sic Christum mihi in illa die propitium precor, non te
 fallo. Illi sunt, non Iesuitæ, qui quotidiana serunt discor-
 diarum, bellorum ciuiliū inter nos & contra nos semi-
 na. ita etiam viuunt, vt cuticulam suam curent, pecuni-
 am colligant, quicquid est pretiosi in alicuius Equitis
 domo, illud ad se pertrahant, in fraude & ex fraude vi-
 uant. Cur inquam istæ in patriam receptæ sunt pestes?
 cur Confœderationis præsidio & tutela muniuntur? Ie-
 suitæ Orthodoxi, Catholici, Papistæ violantur. Ni-
 mis tibi sumis adolescens, oblitus es ætatis tuæ; In-
 temperantiùs hac tua lingua abuteris & calamo, dum ad
 te putas legum interpretationem pertinere. vt ij quos tu
 voles, legis præsidio gaudeant, quos nolis & censoria
 tua virgula miniatq; cerula confixeris, non gaudeant.
 Nimis etiam ingratus es, iniustusq; ciuis, qui cum te scias
 armorum pœnarumq; periculo liberatum, armatum ta-
 men in reliquos ciues animum retines. Scis cui magnus
 ille Cromerus Confœderationem hanc similem volebat;
 Dem Smehervagen; sic enim loquebatur. hoc est pici
 seu cuipiam pinguedini, qua currum axes inunguntur:

Quatuor scilicet rotæ, quatuor sunt huius seculi præcipuæ sectæ; Lutheristæ, Calvinistæ, Trideistæ, Anabaptistæ, quæ si Confæderationis lenitate inungantur, cito eo perueniunt, vbi fiunt Atheistæ. Accipe exemplum quod olim hæreticorum vestri similium audacia ob impunitatem processit. Res horrenda dictu; sed expedit vobis audire, quod auditum non possitis non damnare. Narrat Epiphanius, Gnosticos Hæreticos ante suam Synaxim promiscuos, concubitus exercere consueuisse, liberorum tamen generationem vehementer auersatos. Sed si præter sententiam accidisset, vt prægnans mulier efficeretur, detractū quacunq; ratione ex vtero fœtum, in mortario quodam pistillo tundebant, & admixto melle & pipere & aliis quibusdam aromatibus & vnguētis ad auertendam nauseam, omnes fiebant participes contusi pueri, atq; sic humanæ carnis esu peracto preces deinde fundebant ad Deum. & hoc perfectum Pascha dicebant. Horruisti, sat scio, sed eadem fuit & est vbiq; Hæreticorū rabies. constat sibi omnibus in locis illorum impudentia. Si nihil eiusmodi apud vos adhuc accidit, accidet nisi vestra audacia legum ac pœnarum vinculis constringatur. O si videri posset oculis corporis hæc immanitas, & crudelitas vestra, qua Corpus Christi mysticum, quod est Ecclesia, in mille minutissimas partes, ausi estis con-scindere; ipsi profectò miraremini quomodo terra sub pedibus vestris aperiens os suum vos & socios vestros non deuorauerit. & eam immanitatem, quā in Christi corpus exercetis, longe ea maiorem & immaniolem censeretis, quā in Corpus infantis admissam à Patribus vestris Gnosticis hæreticis audiueritis. Nunc ea leuiora putatis quæ Dei, grauiora hæc quæ diximus, quia mortales oculos offendunt. Sed quid vnquam non ausi sunt hæretici? quid vos non audebitis Euangelici si modo licebit. verum non est huius tempus querelæ,

Optas

Obras patriæ pacem, Reipublicæ tranquillitatem. Hæretici tibi sunt & Schismatici Ecclesiasticorum sanguine iam pridem saginati, proscribendi, quocunq; tandem nomine vocentur. qui dum in Regni visceribus hærent, cum errorum omnium sunt amici, vt ante dictū est, nō possunt esse nisi solis non errantibus, hoc est Catholicis Orthodoxis, & vt vos vocatis Papistis inimici. Vidit olim id ipsum Sigismundus Augustus Rex sapientissimus: Vidit etiam prudentissimus Regni Senatus: viderunt Prouinciarum & Nobilitatis Nuntij, in comitiis Parczouien: Quamobrem etiam Decretum saluberrimum promulgauit, vt omnes externi & peregrini Euangelicorum Superintendentes & Ministri, Regno excedere cogerentur. quod si fuisset executioni demandatum, hæc quæ vidit mala patria charissima non vidisset. An tu illam legem mortuam putas? nisi quod valdè vereor, vt esse magna possit eius Senatus autoritas, in quo tanta luxuria adolescens, sententiam capitis audet in viros bonos pronunciare. deq; bello & pace, deq; commodis & incommodis Reipub. statuere, qui eum Regni statum esse vellet in libertate, quem cæteri vix tollerarent in seruitute.

Progrederis longius, & ais; *Cur non retinetur Autoritas concilij illius amplissimi & sacratissimi Lateranensis, quod vetuit, ne in posterum noua aliqua Monachorum familia à quoquam institueretur?* Tu quidem isto loco acutus videri velles, & aliquid tandem cum autoritate dicere. Sed interim verum est, quod oculis tuis nil lætius possit occurrere, quàm Iesuitarum ruinæ. Omnia colligis, in omnia te vertis, arma ab aduersariis petere non erubescis, vt Orator magnus videre, qualis si esses, magna cloaca esses, Iane bifrons, Protee leuissime, quas tandem formas induis? Quousq; istum Gygis anulum torques & retorques? Tu Pontificis Decreta contempsisti, cum Iesuitas, quos ille probat, odisti. Tu maiestatem eius irrifisti, cum illum Regi Catholico Philippo, diuinos honores permisisse aisti. Tu
Concilium

Concilium Tridentinum neglexisti, cum ab illo Societatem probatam improbasti; & nunc ad Concilium Lateranense recurris, in eoq; tuæ præsidium libidinis statuis. Ego verò tibi dico Gabaonita, vetusti sunt isti panni, quos vos primi lacerastis in aliis articulis fidei, cum omnium simul Conciliorum & Decretorum fidem & auctoritatem eleuastis. Sed tu, quod Euangelicorum proprium esse dixit Vincentius Lirinensis, prima races, extrema ponis, media præteris, omnia inuoluis, de scriptura ludum, de scriptura tibi Proteum facis: oblitus quod pulchrè scriptum Tertull: reliquit. Sicut si in tibiam flaueris, non propterea hominè tibiam feceris, quanquā de anima tua flaueris; ita si verba Concilij, Canonicaq; decreta flaueris, non propterea seruos Dei damnaueris.

Fili Sathanæ (nam & ipse è Scripturis Scripturarum authorem Christum oppugnabat) video quòd non intelligis, quàm difficile est Dei seruos expugnare, cum nulum certum habeas Deum. quo nomine nullam tibi peccatam acerbiorẽ deposco, quàm vt aliquando tamen intelligas, quàm viris bonis nocere contendas. Si posset hæc tua ætas rerum grauitatem sustinere, audires ex me, quòd non solum Lateranense Concilium sub Innocentio tertio, sed etiam Lugdunense sub Gregorio decimo repetita cõstitutione districtiùs inhihet; (sic enim legimus) Ne aliquis de cætero nouum ordinem aut Religionem adinueniat, vel habitum nouæ religionis assumat: cæterum tu, quæ sequuntur, hæreticorum more præteris. In eodem enim ipso Gregorij decreto illæ Religiones perpetuæ prohibitioni subiiciuntur, & quatenus processerant reuocantur, quæ nullam approbationem Sedis Apostolicæ meruerunt. At IESU Societas non vnius sed quinque Pontificum Romanorum approbationem meruit, quod iam antea audiui. Sed ipsius etiam Generalis Concilij Tridentini auctoritate firmata est & constabilita. Multa tibi vt video sunt dediscenda, omnia discenda.

que de

Que de dubia sexti Pontificis in societatem voluntate tricaris ; Id facis, nō quod verum putes, sed quod impudentia abundes. Iratis animis quodcūq; occurrit, telum est. Gratulor quod sic habeas omnia explorata. fortē nec illud ignoras, quomodo Iupiter Iunonem duxerit. Iste quoq; Spiritus non nisi Euangelicorum est, qui sese in Dei consilium admissos, & intimæ voluntatis interpretes & Internuncios arbitrantur. Platoni certē iocari videtur, qui se omnia scire profiteretur. Sed hoc tibi persuadeas velim; ita Iesuitas esse legitimæ potestati obsequentes, vt quid Pontifici, quem Christi vicarium agnoscunt. visum fuerit ad Societatis conseruationem adiungere, vocem eius, tanquā Christi loquentis vocem, audiant. tum quod ita Christianos omnes, qui se modo eos esse meminissent, affectos esse oporteat; tum quod fidem & obedientiam suam Romano Pontifici non vulgari illo modo, neq; solita ratione; sed præcipua quadam pietate, & deuotione, quod tu fortasse nesciisti, obstringunt. Ego verò existimo etiamsi verum esset quod prædicas; quod immortale tuum in seruos Dei odium rabiemq; tricipitis Cerberi, ne hoc quidē quod dicis exsaturaret. Omnium tu vnus cruces spectare in eadem area velles. cum puluisculo, quod aiunt, euerfam, extinctam, è rebus humanis sublatam Societatem cuperes, vt gubernatore sublato, sicut de Romano Pontifice loquitur Hieronymus, facilius in Ecclesiæ naufragio tu & tui Euangelici grassentur. Sed aliter Ecclesiæ sponsæ suæ Deus prouidit, dedit militem qui vidit hostem: dedit custodem qui vidit furem. Nihil est mali (ait Cicero) canes ibi quamplurimos esse, vbi permulti fures. multa obseruanda multaq; seruanda sunt. Non sit fortissimus & sapientissimus Rex Stephanus, (sed hic tu quoq; fluctibus abreptū vociferaberis, homo abrepticie) qui tantum præsidium constitutum putabat ad Reipub: tranquillitatem, in rectē instituta iuuentute, atq; ad omnē moderationem conformata; vt, quod ante quoq; dictum

est, magnis propositis præmiis, viros doctissimos ex in-
tima Italia euocaret, Marcum Antonium Muretum,
Flamminium Nobilium, Sigonium, Vrsinum, & Fogle-
tam, Historicos, Gregorium de Valentia, Tolerum, Be-
larminum, Iesuitas, Patrem Aquarium Dominicanum
Theologum. Tu ais monachos instituendæ iuuentuti in-
commodos, at Rex magnus aliter. qui laborem veniendi
fortasse suscepissent, nisi istos tuos & tui similiū Scyticos
fremitus contra aligenigenas & externos cognouissent.
Neq; tamen propterea deesse Rex optimus vtilitati sub-
ditorum voluit, sed illi ipsi iuuentuti Albenſe & Claudi-
opolitanum, & Varadinense in Transyluania, Rigense &
Derpatense in Liuania, Polocense in Lituania, Collegia
erexit, in quibus tenera subditorum ætas ad omne offici-
munus Iesuitarum studio & opera formaretur. Parum
est. Vide quæſo te vim deſiderij incredibilem, cum cœte-
ris omnibus in iuuanda re Christiana satis superq; feciſ-
ſet, ſibi ipſi ſatisfactū non putabat, niſi etiam è ſepulchro,
ea qua liceret ratione rei Christianæ ſuccurreret. Testa-
mentum conſcripſit, plenum in rem Christianam & in
ipſos Iesuitas amiciffimæ voluntatis. cuius particulam
ex me ſi audieris, ſaxeum te putabo, niſi nobis diuinam
aliquam cecineris Palinodiam. Ait ille. At niſi Dominus
cuſtodierit ciuitatem, fruſtra vigiſant qui cuſtodiūteam.
proinde ipſum Principem Sigismundum, omnes deniq;
Senatores, ſtatus & ordines Regni Transyluanie oro &
obteſtor, per ſalutem animarum ſuarum, Reipub: tran-
quillitatem; ſimultates deponant, pietatem colant, aui-
tam ſanctam Catholicam fidem recolant, aut ſaltem per
me fratremq; meum introductam poſtliminio æquo ani-
mo ferant. Collegium Iesuitarum in Kolozwar & Ko-
loſmonaſtor fundatum bonisq; dotatum, partim iure
Regio, partim pecunia & aliorum bonorum permutatio-
ne, bono iure acquiſitum tueantur, conſeruent & auge-
ant. Sic etiā Albenſe, Varadinenſe, non ſolū conſeruent;
ſed auge-

sed augeant, ad ipsumq; incrementum adijciant. Alio-
qui si violentas injicient manus, implebunt modios ire di-
uinæ, qui retribuit talibus secundum immunditiam cor-
dis eorum. O diuinum diuini Regis testimonium! ô me-
moriæ suę in Societatem voluntatis sempiternam! Sta-
bunt hæc & in arce locabuntur. Tu & Actio tua prima
& secunda & tertia, & quotquot voles scribere, in Saturni
podice submergētur. Tu tamen Osce lepidissime in tanti
Regis exemplo & autoritate audes ludere? non miror.
Ducebatur olim Athenis ad suppliciū Aristides, cui quis-
quis occurrebat deiciebat oculos & ingemiscebat, non
tanquam in hominem iustum; sed tanquam in ipsam iusti-
tiam animaduerneretur. inuentus est tamen qui faciem
innocentis conspueret. Deinceps te moneo ne tam im-
probè oscites. non est hoc promere verba; sed proicere.
Non magis contemni putes Regem Stephanum mortu-
um, cum illustria Principis facta dente canino laceras;
quàm cum ædium Sacrarum ruinæ calcantur. quas, qui-
cunq; sunt religiosi, æquè ac stantes adorant.

Porro illorum qui sceptrā tenent

Haud quaquam est violanda autoritas.

si magnus vir cecidit, magnus iacuit. inquit ille.

Nisi quod te iamdudum spontanea perdidit ira. Quid
de reliquis orbis Christiani Regibus & Principibus di-
cam, quorum tu nunc os & oculos erubesceres. Quò ma-
gis illi Regnorum suorum pacem amabant, quò magis
populorum salutem & quietem appetebant; eò magis
LES Societatem, ac alios viros doctissimos omni offi-
cio, ac pietate & liberalitate in suas diriones euocabant,
fouebant, ornabant. Aude inuictissimo & sapientissimo
Cæsari Carolo Quinto notam præcipitis cōsiliū inurere,
qui Panormitanum Collegium exædificauit, in Sicilia.
Aude fratri eius Ferdinando; qui Viennense, Pragenſe, &
Oenopontanum crexit. Aude Ioanni tertio, Sebastiano
& Henrico Lusitanæ Regibus exprobrare; qui Coimbr-

cenſe, Vlyſſiponenſe, Gdênſe, Iaponenſe etiam & Braſili-
enſe in India excitarunt. Facilius profectò efficies, vt te
qui audierint, mancipium flagris natum putent, quàm
tantos Principes imprudentes. Non commemorabo
Carolũ Archiducem Sereniſſimum, Gracẽſis Collegij
authorem. Nil dicam de Magdalena Sereniſſima ſorore
eius; quæ Hallenſe erexit. Nil dicam de Bauariæ Princi-
pe Catholicifſimo; qui Monachienſe & Ingolſtadienſe.
Nil de Philiberto Sabaudia Duce, qui Taurinẽſe & Chi-
amberenſe. Nil de Florentinis, Ferrariẽſi. Mantuanis,
Parmenſibus, Lottaringis, Guiſis, Niuernenſibus, Nie-
ſuienſibus Ducibus, & Collegiis afferam, res ipſa lo-
quitur. Quæ ſi non vides talpa es: ſi vides & vituperas;
ſcurra es: ſi vituperas & non erubeſcis; iniquus, impius,
& conſceleratus detractor es. Dies me deficeret, ſi Prin-
cipes Eccleſiaſticos Societatis & Collegiorum authores
& fautores enumerare vellem. Fernẽſius nunquam ſatis
laudatus Cardinalis, Collegium in monte Regali in Sici-
lia; Romæ verò magnificentiſſimum templum Societati
erexit. Otto Truchſes, Atlas ille Religionis in Germania
Dilingæ, Turnoneſi Turnoni, Lottaringus Muſſiponti.
Boromeus Mediolani, Corneus Peruſiæ, Hoſius Brauns-
bergæ. Deinde verò & ipſi S.R. Imperij Electores & Ar-
chiepiſcopi Eccleſiaſtici, Moguntinus Mogũtiæ, Treue-
renſis Treueris, Toletanus Toleti, Granatenſis Granatę,
Gneznenſis Kalifiſij. Hos ponẽ ſequuntur Epiſcopi & pie-
tate & prudentia commemorandi. Noſcouius Pultouiæ.
Valerianus Vilnæ. Konarski Poſnaniæ, alij alibi. Sed nec
priuati Nobiles deſunt. Paicecus Villaretanum in Hi-
ſpaniis. Lublinenſe quorum opibus ſurrexerit, non igno-
ras. Sed nec matronas Nobiles præteribo. Barchinoneſi.
Maria Mariques de Lara. Complutenſe, Maria Mendo-
zia. Villagarzinum Magdalena Viloa. Iaſoſlauieſi Sophia
Palatina Sendomirienſis excitauit. Quæ tu me iſto loco
duabus ex cauſis cõmemorare putabis; tũ vt intelligas
(ſi modo

(si modo per animi angustias pores) magnā te & difficilem causam suscepisse repræhendendi eius consilij, quod summi Consilij Cæsares, fortissimi Reges, sanctissimi Cardinales, intelligentissimi Principes, Deo dilecti Episcopi, cordati Nobiles, Matronę deuotissimæ, pro subditorum vtilitate susceperunt . & quæ à pietate Societatis expectabant, vera esse exitu probauerunt : & in eorum potius authoritate, quàm in tuo errore conquiescas ; tum vt memineris 50000. Nobilium, ad tuam perniciem in istorum Collegiis educari, quorum profectò nemo te poterit sine suspirio aspicere : & si quisq; semel conspuerit, eris rana Seriphia venustior, nec cuiusuis, crede mihi, aquæ aspersione hæc vnguenta elues. Certum enim est, quod qui in vita hominis fidem in Deum sanctissimam putat ; non poterit eum æquanimiter tolerare, qui fidem ex animis hominum tollere, Ecclesiam Christi scindere, ministros eius oppugnare, opprimere, obtruncare, templa spoliare ausus sit . Qui pudorem & pudicitiam colit, non potest æquo animo, quotidiana Euangelicorū adulteria, Sacrilegia, stupra, incestus, meretriciamq; disciplinam aspicere. & qui proximorum iniuriis, Rerumpub. vastationibus doleat, quomodo potest istos Euangelicos, non hominū, sed belli ciuilis vultus, istas fauces, per quas non Dominicę, quod mēdaciter iactitant, sed Lapitharum cœnę & conuiuia transeunt, sine motu mentis relinquere? Qui Romani Pontificis, Episcoporum & Sacerdotū iura, dignitatem, libertatem, authoritatē sanctam apud omnes haberi vult ; iis quomodo potest non plus etiam quàm inimicus esse, qui ad istum ordinem euertendum, ad tollendam Ecclesiastici imperij maiestatem, opprobria, conuitia, maledicta, verbera, cruces, tormenta, supplicia, fixa parataq; se habere gloriantur? Vellem tibi contingeret, vt istorum aliquando vultum & oculos, cū hanc tuam Actionem legerint, intuerēre. Quoties te mendacem? quoties mente captum, quoties inertem, quoties iratum?

quoties furentē, quoties cœcum & impium appellabunt:
quoties per illas ipsas fenestras, quæ legenti lumen mini-
strabunt deicient? optare vt debeas eum quem ædidisti
libellum sempiternis tenebris latere; ne stultitię & impu-
dentię tuę extet apud vniuersam posteritatē tam illustre
monumentum, Certē consideratius consilium suscipere
debueras: Cū olim Deorum delubra Teophilus Ale-
xandrię euerteret, & simulachra in lebetes cōllaret, vnam
imaginem certi alicuius Dei omnium turpissimā seruari
iussit, eamq; in loco publico erexit, vt Gentiles progre-
diente tempore, ire inficias non possent se tam turpes &
inanimatos Deos coluisse. Hoc porrō Teophili factum
Ammonius Grāmaticus Gentilis præ cæteris tulit æger-
rimē, quōd illa quoq; tam turpis statua conflata cum aliis
non esset, sed ad Græcorum Religionis irrisionē reseruata
maneret. Sic futurū puto, vt te & tuos Euangelicos valde
pœniteat extare cū hoc libro tuo in oculis vniuersę po-
steritatis, stultitię & impudentię tuę non vestigia sed cu-
bilia. Sed non est difficile diuinare quid metuis. Impen-
dere fortē vides ab hac seruorum Christi acie, his quos
seuistis Euangelicorum Atheismis interitum. Non enim
ita delicatum oculum habere te puto, vt si in eos incurrat
Iesuita, statim esiliat. Sed hoc agis, hoc conaris, vt pie-
tatem, industriam, diligētiā, litteras, quas saluis Iesu-
itis proscribere non potes; cum Iesuitis simul eijcias. imō
verō hoc agis (fortasse ne tibi mors molesta accideret) ne
quid post te in patria integrū, ne leges, ne litterę, ne pietas
vlla relinquatur. Velles ante te Rempub. perire. At ista
quę suscipis Maximiana sunt & Iuliana consilia, quæ rātō
minus succedent, quantō magis ab illorū abes potestate.
De Maximiano scribit Eusebius, quōd post omnia a-
cerbissima tentata contra Christianos consilia, cū non
quantum vellet cursum fidei Christianæ retardaret; librū
conscribi iussit, cui nomen dedit; Acta Pilati, innumeris
mendaciis & contumeliis in Christum abundantem, præ-
cepitq;

cepitq; vt Præceptores omnes ac puerorum Magistri discipulis illum suis explicarent, & ipsi discipuli memoriter addicerent, ac impietatem in Deum à prima statim infantia combiberent. De Iuliano verò his verbis scribit Nicephorus. Ne Christianorum pueri Græcis disciplinis erudirentur, aut Póetas scriptoresq; eorū legerent, scholasuæ publicas frequentarent, lege cauit. Ne linguis eorū, inquit, acumine perpolititis, faciliè disputatoribus nostris resistere, & sacra quidem sua amplificare, Religionem autem nostram refellere faciliè queant. Quæ crudelitatis & impietatis teterrima consilia, si quod opratis tu & tui similes in patriæ viscera inuexeritis; quasi sphaera ad centrum; sic ad Atheismum euoluentur omnia. Luteranismi enim perfectio Atheismus est & Epicureismus. Reliquæ sectæ, quorum numerus ad ducentas fere & quinquaginta ascendit; velut gradus quidam sunt, quibus itur ad impietatis fastigium, vt dicat impius in corde suo; Non est Deus. Nemo enim repente fit summus, ait Bernardus, ascendendo non volando apræhenditur scalæ summitas. Sed ego non perorandi sed respondendi partes suscepi. Hic itaq; respondendi finem faciam, vbi tu finem interrogandi fecisti. Veniet qui tuas calumnias pleno modio verborum refutabit. Interim hic meus sermo erit tibi correctio, si velis; testis autē coram Domino. etiamsi nolis. Vasa iræ, ait August: ad hoc permittuntur in Ecclesia garrire, vt tanquam de negligentia somno excitentur vasa misericordiae: & studio respondendi pestilentibus maledictis adhibeant curam salubribus dictis. Et alio loco; Sicut habet suam hilaritatem ipsa cantatio, etiāsi ad eam nemo sua membra mouet, cui pleno gaudio cantatur, ita suum præmium habet admonitio, etiamsi non obtemperat qui monetur. Hieronymus verò planè rem nostram loquitur, cum ait: Qui Æthiopem inuitat ad balneum, etsi nigredinem non auferat illi, pecuniam tamen accipit sibi, & licet in illius candore nō gaudeat, certè vel in suo lucro lætatur.

Sed te

Sed te ad extremum Patria charissima, vosq; sapientissimi Senatores appellabo, vt istiusmodi Euangelica consilia è patriæ finibus in vltimas terras faceßere iubeatis. Nil enim isti siue Euangelici, siue Polirici consiliarij volunt, quàm vt iterum ad illam barbariem reuoluamur, quæ ante susceptam fidem Christianam in patria nostra videbatur; vt simus & mente & religione destituti. idq; singulari Dei prouidentia statutum stabilitumq; arbitremur, vt sanandis nouis morbis, nouum medicorũ genus exurgeret, nouas remediorum species nouam curationis rationem afferret. Receperunt olim in patria maiores illi nostri optimi & sapientissimi viri, Robertos Italos, Paulinos Gallos, Adalbertos Bohemos. nec ignominiam duxerunt ab illis discere quæ nescierũt. Procedete tẽpore, receperũt & D. Augustini Africani, & D. Francisci Itali, & Diui Dominici Hispani, & Diui Basilij Græci socios, & discipulos, quorũ alij nos ab impio idolorũ cultu, ad vnus veri Dei, & filij eius Domini nostri **IESV CHRISTI** cognitionem verbo & exemplo adduxerunt, alij pietatis & sanctitatis exemplis, orationumq; præfidiis, Regnum hoc florens & incolume, in confessione veræ & indiuiduę Trinitatis, cuius hodie memoriam agimus, sine vllius erroris admixtione, totis ferè septingentis annis ita conseruauerunt; vt cùm vicina nobis regna & imperia ab vnitate Orthodoxæ fidei, vel Hæresi vel Schismate distraherẽtur, Mosci & Rutheni, Græco; Bohemi & Morauj Hussico; Traces & Bulgari Mahometico, nostra per Dei gratiam Polonia, nullum vnquam malum ex vicino malo traxerit. sed sicut rosa inter spinas; sic illa sese eorũ quos dicimus præsidio, virginem castam exhibuit Christo, & quàm par erat, Deo vero, constantiam repræsentauit, vsq; ad hæc infœlicia tempora, cùm Lutherus odium illud Dei omnipotentis (& si homines odissent quos oportet, etiam omnium hominum pestem) è vicina Saxonia ante annos quinquaginta afflauit. Si patriam à minimis iniurijs
in hanc

in hanc quam videmus amplitudinem & maiestatem ex-
creuisse gaudetis; vt à palude Meotica, ad mare vsq; Balti-
cum pertingat; & vicissim à Borysthene vsq; ad Oderę li-
tora extendatur, tam sanctis legibus descriptā, tamq; pijs
moribus constitutam; cogitare debetis, hæc omnia cum
illis quos diximus, dicerem & per illos, nisi militis alicu-
ius fremitum timerem. nam maiora sunt orationū quàm
armorū præsidia nobis à Domino contigisse. Nihil vt esse
pertimescendum videatur, ne nouum hoc Religiosorum
virorum genus, in patria destruat; quod Robertus, quod
Adalbertus, quod Augustinus, quod Basilius, quod Frā-
ciscus, quod Dominicus ædificauit. quin potius huic
qui maiorum instituta perturbant, hæreticorum cuneo,
has Iesuitarum acies obiectas & oppositas putate. non
castris & armis, sicut olim Cruciferi, quorum adhuc no-
men horretis, instructas; sed timore Domini, sed amore
proximi, sed zelo, sed bonis litteris, sed exacta rerum di-
uinarum scientia & cognitione munitas. Non illi vestra
vobis eripiunt, vt falsò accusantur; sed diuina tribuunt.
Verumtamen si vobis spiritualia seminant, quid magnum
est, vt aliquando vestra carnalia metant? Si res nouas &
maioribus nostris inauditas, si fides, si mores, si ignotas
prioribus seculis sanctitates in patriam inferrent, causam
non dicerem. Sed cū veterem illum pietatis & sanctita-
tis splendorem, quasi quodam situ, & squallore cooper-
tum, cum illis ipsis, quos fertis in oculis Hosii, Crome-
ris, Patriciis, Orichouiis, Gorfciis, Socolouiis, Pouo-
douiis instaurant, (Libet hac vti similitudine) dum illi al-
taria & Diuorum imagines perpoliunt; isti etiam templi
pauimenta, & vilissima quæuis peristromata perpurga-
re non negligunt; omniaq; siue parua siue magna & audēt
& agunt, quæcunq; tandē requirit pereuntis salus; Quid
causæ esse possit, vt homines salutis vestræ cupidissimos
patria pulsos, & omnibus infortuniis dignos arbitremini
non video: idq; iterum atq; iterum affirmo, qui hæc vobis

furoris & amentiae plena Scythica plane, barbaricaq; consilia suggerunt, eos non tam Iesuitarum, quam totius Religionis Christianae odio ardere. quod si verbis negant, re & veritate praestant. Quorsum Trinitas veneranda blasphemiis lacerata? Quorsum maiestate sua Iesus Dei uiuentis spoliatus? Quorsum furta Sacramentorum, quae populo Dei sine fronte & mente Euangelici clepserunt? Videte quae vos templorum parietinas, Altarium rudera, Imaginum euerfiones. Videte martyria Episcoporum, exilia Sacerdotum, contemptum Sanctorum. Cur in Germania 20. millia templorum spoliata? Cur in Anglia 10. millia diruta? Cur in Gallia 300. millia Catholicorum trucidata? Cur in Flandria in legitimam potestatem arma sumpta, imma summis paria facta? Cur diuersis in locis 200. millia Sacerdotum excarnificata? Cur in Scotia Reges oppressi? Cur in Gallia ad caedem postulati? Cur a Turcis perfidia ad vniuersae Christianitatis perniciem petita? Dies deficeret, si furores omnes Euangelicorum, & ab illis suscepta consilia recensere vellem. quorum haec summa, hic solus & vnus scopus est; vt aut Leges aut Reges pereant. Sed & in patria nostra, quorsum Iurisdictione sua spoliati Episcopi? Quorsum ereptae decimae? Quorsum confederatio extorta? Quorsum Clerus vniuersus ad bellicas expeditiones postulatus? Quorsum Ecclesiastica iura in exilium acta? Non Iesuitarum capita, credite mihi Senatores, nec inuisa multis Ecclesiastici ordinis maiestas, istis consiliis petitur, sed per Ecclesiasticorum latera Christianae Religionis iugulum ad necem postulatur. quae si vnica ceruice haberet, eam certe Euangelici praecidere non dubitarent. Nunc autem quos violenta non possunt, lenta quasi morte conficere cupiunt. vt si fieri posset, sine sensu doloris pereamus. atq; ad extremum sine Deo & sine Christo eius maneamus. simusq; sicut habet Esaias, quasi a principio, quando Deus non dominabatur nostri, neq; inuocabatur nomen eius super nos; Lelicolae, Polelicolae,

Polelicolæ, Piorunicolæ, Serpeticolæ, Babicolæ. amissâq;
 luce veritatis ad baratrū redeamus infidelitatis. Sed absit
 hoc à patriæ charissimæ capite. Absit ab hæreditate tuâ
 Christe, quam tuo sanguine redemptam per 600. annos
 in Ecclesiæ sponsæ tuo gremio fouisti. Credebant, ô Se-
 natores, in Deum maiores illi nostri sine Serueto & Gen-
 tili, sine Blandrara & Gregorio, Habebant Sacramenta
 sine Lutero, Sumebant corpus Christi sine Caluino, Ba-
 ptizabantur sine Pacimontano; & Cechouicio, Iustifica-
 bantur sine Osiandro, Matrimonio iungebantur sine O-
 chino, Manebant in Ecclesia sine Fricio: aut si ipsi sedu-
 cti, nos seduxerūt (quod absit vt cogitemus) culpa omnis
 tua erit ô Christe; qui è sinu summi Patris nimis citò de-
 scendisti, nimisq; citò Apostolos tuos ad Euangelij præ-
 dicationem dimittere properasti. Nam si ista Lutheri &
 Caluini tempora expectasses; longe quàm Petrū & Pau-
 lam fideiiores diuinæ tuę voluntatis interpretes & inter-
 nuncios habuisses. Frustra ergo nos Adalbertus & Sta-
 nislaus docuit, frustra sanguinem fudit. Frustra Boleslai,
 Casimiri, frustra Iagellones, frustra Sigismundi, baptisma
 receperunt, bella pro Christo gesserunt, templa erexerūt,
 Collegia constituerunt, seruos Dei auxerunt, xenodochia
 suscitarunt, redditus attribuerunt, Frustra Sacramenta
 sumpserunt! Quicunq; hæc de optimis Regibus, deq; ma-
 iorum pietate existimant, eant sicut habet Athanasius, &
 ossa eorum è monumentis eruant, vt ab omnibus intelli-
 gatur, & illos fuisse seductores, & istos parricidas esse.
 Sed tu Christe da mentem istis hominibus meliorem, vt
 aliquando tamen doctrinam veritatis. in Cathedra vni-
 tatis collocatam, intelligant. Ego verò finem facio
 si vos adhuc admonuero, Senatores, Euangeli-
 cos & reliquum orbem Christianum
 stare simul non posse.

174
The first of these is the fact that the
the second is the fact that the
the third is the fact that the
the fourth is the fact that the
the fifth is the fact that the
the sixth is the fact that the
the seventh is the fact that the
the eighth is the fact that the
the ninth is the fact that the
the tenth is the fact that the
the eleventh is the fact that the
the twelfth is the fact that the
the thirteenth is the fact that the
the fourteenth is the fact that the
the fifteenth is the fact that the
the sixteenth is the fact that the
the seventeenth is the fact that the
the eighteenth is the fact that the
the nineteenth is the fact that the
the twentieth is the fact that the
the twenty-first is the fact that the
the twenty-second is the fact that the
the twenty-third is the fact that the
the twenty-fourth is the fact that the
the twenty-fifth is the fact that the
the twenty-sixth is the fact that the
the twenty-seventh is the fact that the
the twenty-eighth is the fact that the
the twenty-ninth is the fact that the
the thirtieth is the fact that the
the thirty-first is the fact that the
the thirty-second is the fact that the
the thirty-third is the fact that the
the thirty-fourth is the fact that the
the thirty-fifth is the fact that the
the thirty-sixth is the fact that the
the thirty-seventh is the fact that the
the thirty-eighth is the fact that the
the thirty-ninth is the fact that the
the fortieth is the fact that the
the forty-first is the fact that the
the forty-second is the fact that the
the forty-third is the fact that the
the forty-fourth is the fact that the
the forty-fifth is the fact that the
the forty-sixth is the fact that the
the forty-seventh is the fact that the
the forty-eighth is the fact that the
the forty-ninth is the fact that the
the fiftieth is the fact that the
the fifty-first is the fact that the
the fifty-second is the fact that the
the fifty-third is the fact that the
the fifty-fourth is the fact that the
the fifty-fifth is the fact that the
the fifty-sixth is the fact that the
the fifty-seventh is the fact that the
the fifty-eighth is the fact that the
the fifty-ninth is the fact that the
the sixtieth is the fact that the
the sixty-first is the fact that the
the sixty-second is the fact that the
the sixty-third is the fact that the
the sixty-fourth is the fact that the
the sixty-fifth is the fact that the
the sixty-sixth is the fact that the
the sixty-seventh is the fact that the
the sixty-eighth is the fact that the
the sixty-ninth is the fact that the
the seventieth is the fact that the
the seventy-first is the fact that the
the seventy-second is the fact that the
the seventy-third is the fact that the
the seventy-fourth is the fact that the
the seventy-fifth is the fact that the
the seventy-sixth is the fact that the
the seventy-seventh is the fact that the
the seventy-eighth is the fact that the
the seventy-ninth is the fact that the
the eightieth is the fact that the
the eighty-first is the fact that the
the eighty-second is the fact that the
the eighty-third is the fact that the
the eighty-fourth is the fact that the
the eighty-fifth is the fact that the
the eighty-sixth is the fact that the
the eighty-seventh is the fact that the
the eighty-eighth is the fact that the
the eighty-ninth is the fact that the
the ninetieth is the fact that the
the ninety-first is the fact that the
the ninety-second is the fact that the
the ninety-third is the fact that the
the ninety-fourth is the fact that the
the ninety-fifth is the fact that the
the ninety-sixth is the fact that the
the ninety-seventh is the fact that the
the ninety-eighth is the fact that the
the ninety-ninth is the fact that the
the hundredth is the fact that the